



氣釵記

明

槧本

題





紫釵記目錄

卷上

第一齣

本傳開宗

第二齣

春日言懷

第三齣

挿釵新賞

第四齣

謁鮑述嬌

第五齣

許放觀燈

第六齣

墮釵燈影

第七齣

托鮑謀釵



第八齣

佳期議允

第九齣

得鮑成言

第十齣

回求僕馬

第十一齣

粧臺巧絮

第十二齣

僕馬臨門

第十三齣

花朝合巹

第十四齣

狂朋試喜

第十五齣

權夸選士

第十六齣

花院盟香

第十七齣

春闈赴洛

第十八齣

黃堂言餞

第十九齣

節鎮登壇

第二十齣

春愁望捷

第二十一齣

杏花題名

第二十二齣

權嗔計貶

第二十三齣

榮歸燕喜

第二十四齣

門楣絮別

第二十五齣

折柳陽關

第二十六齣

隴上題詩

第二十七齣

女俠輕財

第二十八齣

雄番竊霸

第二十九齣

高宴飛書

第三十齣

河西款檄

第二十一齣

春愁

第二十二齣

前廳

第二十三齣

後廳

紫釵記上目錄終

紫釵記目錄

卷下

第三十一齣

吹臺避暑

第三十二齣

計局收才

第三十三齣

巧夕驚秋

第三十四齣

邊愁寫意

第三十五齣

節鎮還朝

第三十六齣

淚展銀屏

第三十七齣

移叅孟門

第三十八齣

計哨訛傳

第三十九齣

淚燭裁詩

第四十齣

開箋泣玉

第四十四齣

延媒勸贅

第四十三齣

婉拒強婚

第四十三齣

緩婚收翠

第四十四齣

凍賣珠釵

卷第四十五齣

玉工傷感

紫雲第四十六齣

哭收釵燕

第四十七齣

怨撒金錢

第四十八齣

醉俠閑評

第四十九齣

曉窓圓夢

第五十齣

玩釵疑歎

第五十一齣

花前遇俠

第五十二齣

劍合釵圓

第五十三齣

節鎮宣恩

第五十三齣

前庭喜恩

第五十二齣

殿合終回

第五十一齣

前庭喜恩

第五十齣

前庭喜恩

第四十九齣

前庭喜恩

第四十八齣

前庭喜恩

紫釵記下目錄終

紫釵記上

第一齣 末上

西江月堂上教成燕子窓前學画蛾兒清歌妙舞

駐遊絲一段煙花佐使○點綴紅泉舊本標題玉

茗新詞人間何處說相思我輩鍾情似此

沁園春李子君虞霍家小玉才貌雙奇湊元夕相

逢墮釵畱意鮑娘媒妁盟誓結佳期為登科抗壯

叅軍遠去三載幽閨怨別離盧太尉設謀招贅移

鎮孟門西還朝別館禁持苦書信因循未得歸致
玉人猜慮訪尋貴費賣釵盧府消息李郎疑故友
崔韋賞花譏諷纔覺風聞事兩非黃衣客迴生起
死釵玉永重暉

黃衣客強合鞋兒夢 霍玉姐窮賣燕花釵

盧太尉枉築招賢館 李參軍重會望夫臺

第二齣 生上

珍珠簾十年映雪圖南運天池浚兀自守泥塗清
困獻賦與論文堪咳唾風雲羈旅消魂寒色裏悄

門庭報春相問才情到幾分這心期古今春似穩

青玉案 盛世爲儒觀覽遍等閒識得東風面夢

隨彩筆綻千花春向玉堦添幾線上書北闕曾
畱戀待漏東華誰召見殷勤洗拂舊青衿多少
韶華都借看小生姓李名益字君虞隴西人氏
先君忝參前朝相國先母累封大郡夫人富貴
無常才情有種紅香藝苑紫臭時流王子敬家
藏賜書率多異本梁太祖府克名画並是奇蹤
無不色想三冬聲歌四夏熊熊且上連城抱日

月之光閃閃宵飛出獄吐風雲之氣只是一件
年過弱冠未有妻房不遇佳人何名才子比來
流遇長安占籍新昌客里今日元和十四年立
春之日我有故人劉公濟官拜關西節鎮今早
相賀回來恰逢着中表崔允明密友韋夏卿相
約此間慶賞秋鴻看酒秋鴻上驚開酒色三陽
月喜逗花梢一信風酒已完備韋崔上

賀聖朝天心一轉鴻鈞個中孤客寒曛旛頭春信

已爭新鄉思怯花辰見科韋喜氣來千里崔春風

總一家生宜春惟有酒長此駐年華生把酒介

玉芙蓉生椒花媚曉春栢葉傳芳醞願花神作主

暗催花信靈池凍釋浮魚陣上苑陽和起雁臣合

青韶印看條風拂水画燕迎門年年春色倍還人

前腔崔韋黃雲正朔新麗日長安近向朝元共祝

歲華初進洞庭春色寒難盡玉管飛灰煖漸熏合

春風鬢笑林中未有柳上先過屠蘇偏讓少年人

生二兄說少年人似俺李十郎亦容易老也

簇玉林歲寒交無二人入春愁有一身報閨庭草

樹青回嫩和東風吹綻了袍花襯合問東君上林

春色採取一枝新韋君虞說被東風吹綻袍花襯

春是說功名未遂要換金紫荷衣這也不難聞得

你故人劉公濟節鎮關西今年主上東巡未知

前開科早晚你且相隨節鎮西行此亦功名之會

青也生豪傑自當致身青雲上未可依人崔笑科

部夏卿不知東風吹綻袍花襯是說衣破無人補

王此事須問一個入生是誰崔曲頭有個鮑四娘

穿針老手央他一線何如生不瞞二兄鮑四娘

于小生處略有往來但是此中心事未露十分

韋才子佳人自然停當也

前腔韋你染袍衣京路塵望桃花春水津生要命

哩崔你外相兒點撥的花星運生要錢哩崔你

內材兒抵直的錢神論合前

尾聲你眉黃喜入春多分先問取碧桃芳信俺朋

友呵覷不的你酒冷香銷少個人

漸次春光轉漢京生風流富貴是生成

無媒雪向頭中出 得路雲從足下生

第三齣 老旦上

滿宮花春正嬌愁似老眉黛不忺重掃碧紗烟影

曳東風瘦盡曉寒猶着蝶戀花誰剪宮花簪絲勝

整整韶華爭上春風鬢往事不堪重記省為花

長帶新春恨春未來時先借問還恨開遲冷落

梅花信今歲風光消息近只愁青帝無憑準老

前身霍王宮裏鄭六娘是也小家推碧玉之容大

國薦塗金之席陽城妬盡那曾南戶窺郎冰井

才多每聽西園召客晚年供佛改號淨持生下

女兒名呼小玉年方二八貌不尋常昔時於老

身處涉獵詩書新近請鮑四娘商量絲竹南都

石黛分翠葉之雙蛾北地燕脂寫芙蓉之兩頰

驚鸞冶袖誰偷得韓椽之香綉蝶長裙未結下

漢姝之佩愛戴紫玉燕釵此釵已教內作老玉

工侯景先雕綴還未送來正是新春時候不免

喚他出來一望渭橋春色浣紗小姐那裡

滿宮花後 旦洞浣紗上 盡日深簾人不到眉画遠

山春曉 浣紗紅羅先綉踏青鞋花信須催及早 旦母

親萬福 老旦 女兒免禮 旦 母親因甚有喚孩兒

也 行科 冰破池開綠雲穿天半晴遊心不應動

為此欲逢迎我老大年華對此春新也

綿搭絮 綉闌清峭梅額映輕貂画粉銀屏寶鴨薰

爐對寂寥為多嬌探聽春韶那管得翠幃人老香

夢無聊兀自裏暗換年華怕樓外鶯聲到碧簫

前腔 且 粧臺宜笑微酒暈紅潮昨夜東風戶插宜

春勝欲飄倚春朝微步纖腰正是弄晴時候閣雨

雲霄紗窓影絲線重添刺綉工夫把畫永銷

前腔 澆 個人年少長是索春饒忽報春來他門戶

重重不奈瞧滿溪橋紅袖相招都準備着咏花才

調問柳情苗小姐呵無人處和你拾翠閒行你淡

翠眉峰鎮自描 侯景先上 新粧燕子鈿金釧舊試

蟾蜍切玉刀報知鄭夫人老玉工侯景先玉釵

前完成敬此陳上 老叫澆取釵看介 好匠手也以

萬錢賞之 侯謝介 琢成雙玉燕酌賞萬金蚨 下

老澆紗今日佳辰便將西州錦剪成宜春小綉

紫雲詞 上六

牌挂此釵頭與小姐插戴浣下取鏡上云剪成

花勝在此老挂牌釵首與旦旦拈看科

前腔旦玉工奇妙紅瑩水晶條學鳥圖花點綴釵

頭金步搖浣照旦插釵科旦鞦韆輕綃翠插雲翹正

是剪刀催早蜂蝶晴遙合問雙飛燕爾何時試拂

菱花韻轉標

尾聲綉簾珠戶好藏嬌掩屏山莫放春心早還把

金針鳳眼挑

阿母凝粧十二樓斬新春色喚人遊

玉釵花勝如人好今日宜春與上頭

第四齣鮑四娘上

祝英臺近翠屏閒青鏡冷長是數年華行雲夢老

巫山下帶酒愁春添香惜夜獨自個温存幽雅少

年遊簾垂深院冷蕭蕭春色向人遙暗塵生處

玉箏絃索紅淚覆鮫鮪舊家門戶無人到鴛鴦

被半香銷個底韶華阿誰心緒禁得恁無聊自

家鮑四娘乃故薛駙馬家歌妓也折券從良十

餘年矣生性輕盈巧于言語豪家貴戚無不經

過挾策追風推為渠帥每蒙隴西李十郎往來
遺贈金帛不計俺看此生風神機調色色超羣
幣厚言甘豈無深意必是托我豪門覓求佳色
俺已看下鄭娘小女此女美色能文頗愛慕十
郎風調只待他自露其意便好通言早晚李郎
巫來也

唐多令

生上

客思繞無涯青門近狹斜悵悵巷陌

是誰家半露粉紅簾下閒覓柳戲穿花

見介

翠宿

香梢未肯消與卿重畫兩眉嬌

鮑

新春螺黛無

人試付與東風染柳條

生

四娘幾載相看新春

闕訪為何門庭蕭索至此

祝英臺

鮑

聽說來憶嬌年人自好今日雨中花俺

也曾一笑千金一曲紅綃宸遊鳳吹人家參差憔悴

損鏡裏鴛鴦冷落門前車馬

生

還尋個伴兒

鮑

這些時幾曾到賣花簾下十郎你時時金帛見遺

前無

恩可報今日為何光顧

前腔

生

遊冶自多情春又惹早則愁來也漸次芳

郊款步幽庭笑向卿卿閒話

鮑

妾半落鉛華何當

雅念生還佳個門中風月多能更是雨雲熟滑

似秋娘渾不減舊時聲價

前腔鮑休傻咱意中人人中意還似識些些看你

才貌清妍禮數謙洽非關採弄殘花十郎禮有所

求必有所下寸心相剖妾為圖之生堪嗟瘦伶

竹才子身奇尚少個佳人繫架問誰家可一軸春

風圖畫

前腔鮑知麼俺為你高情是處的閒停踏生有麼

鮑十郎蘇姑子作好夢也有一仙人謫在下界

不邀財貨但慕風流如此色目共十郎相當矣

是有個二八年華三五嬋娟又不比尋常人家生

驚喜科真假你干打哄蘸出個桃源俺便待雨

流巫峽跪科這一縷紅絲少不得是你老娘牽下

鮑起來說與詳細是故霍王小女字小玉王甚

愛之母曰淨持淨持即王之寵姬也王初薨諸

弟兄以其出自微庶不甚收錄因分與資財遣

居于外易姓為鄭氏人亦不知其王女姿質穠

艷一生未見高情逸態事事過人音樂詩書無

不通解昨遣我求一好兒郎格調相稱者俺具
 說十郎他亦知有十郎名字非常歡愜住在勝
 業坊三曲甫東間宅是也生可得一見鮑此女
 尋常不離閨閣今歲花燈許放或當微步天街
 十郎有意可到曲頭物色也生領教鮑花燈之
 下你得見異人老娘便向十郎書齋領取媒証
 尾聲生從今表白俺衷情話鮑肯字兒還在他家
生你成就俺一世前程休當耍
 紫陌花燈湧暗塵 驚心物色意中人

此中景若無佳景

他處春應不是春

第五齣

京兆府尹上

點絳脣 聖主傳宣風調雨順都如願慶賞豐年世
 界花燈現金鎖通宵啓玉京遲遲春箭入歌聲寶
 坊月皎龍燈澹紫館風微鶴焰平自家京兆府
 尹是也今夕上元佳節月淡風和蒙聖上宣旨
 分付士民通宵遊賞正是金吾不禁夜玉漏莫
 催相催下踏華彩到今宵五鼓
 玩仙燈 老旦上上元燈現画角老梅吹晚風柔夜

暖笑聲喧早占斷紅粧宴

前腔

旦上韶華深院春色今宵正顯

浣上年光是

也拚無眠數不盡神仙眷

憶秦娥

老元宵好珠簾

捲盡千門曉

旦

千門曉禁漏花

浣

紅粧索向千蓮照笙歌欲隱千金笑

合

千金笑

界月暈圍高星毬墜小

旦

今夜花燈佳夕奉夫人

銀杯酒

老

費你心也正是女郎春進酒王母夜

燒燈

忒忒令

老

賞元宵似今年去年天街上長春闌苑

星橋畔長明仙院暢道是紅雲擁翠華偏歡聲好

太平重見

前腔

旦

賞元宵不寒天暖天十二樓闌干春淺三

千界芙蓉粧艷都則是瑞烟浮香風軟人語隱玉

簫聲遠

前腔

浣

賞元宵暢燈圓月圓整十里珠簾盡捲達

萬戶星毬亂點咱趨着笙歌引笑聲喧怎放却百

花中漏聲閑箭稟過老夫人郡主同步天街遊賞

一會

老

使得

紫金山
尾聲端的是春如晝夜如年天街上暗香流轉便
拚到月下歸來誰分去眠

金屋何能閉阿嬌

成團打隊向燈宵

嚴城不禁歲蕤鎖

銀漢斜通宛轉橋

第六齣

生上

鳳凰閣引絳臺春夜冉冉素娥欲下香街羅綺映

韶華月浸嚴城如畫

韋崔

鈿車羅帕相逢處自有

暗塵隨馬

生

笙歌世界酒樓臺鷄踏蓮花萬樹開

誰家見月能端坐何處聞燈不看來二兄昨夜

鮑四娘教咱今夜花燈觀着那人來也咱於萬

燭光中千花艷裏將笑語遙分衣香暗認不枉

今年翫燈道猶未了遠遠望見王孫仕女看燈

來也

王孫仕女笑上

園林好謝皇恩燈華月華謝天恩春華歲華遍寫

着國泰民安天下遨頭去唱聲譁

下

前腔

老旦引旦浣上

好燈也說燈花南天門最佳

香車隘挑籠絳紗喝道轉身停馬塵影裏看誰家

呀那裏個黃衫大漢一疋白馬來也

前腔 豪士黃衫擁胡奴二三人走馬上 本山東向

長安作傻家趁燈宵遨遊狹邪聽街鼓兒幾更初

打 內笑云 前面好漢是甚姓名人高馬大遮了俺

們看燈路來也 豪笑介 問俺名姓黃衫豪客是

也說遮了路呵胡雛們去也 燈影裏一鞭斜 下

前腔 生韋崔上 逞風光看人兒那些並香肩低迴

着笑歌天街瓷琉璃光射等的個蓬閨苑放星槎

望介下

前腔 老旦浣同旦上 好耍歇也絳樓高流雲弄霞

光灩激珠簾翠瓦小立向迴廊月下閒嗅着小梅

花 生韋崔上旦衆驚下落一釵科生 呀二兄勝業

坊來的可是那人真奇艷也兀的不是梅梢上

挂釵斲琅的墜地也

江兒水則道是淡黃昏素影斜原來是燕參差簪

挂在梅梢月眼看見那人兒這搭遊還歇把紗燈

半倚籠還揭紅粧掩映前還怯 合 手撚玉梅低說

偏咱相逢是這上元時節 浣挑燈照旦上 呀老夫

人歸去咱去尋釵來也 韋 那人來尋釵也俺二

人前門看燈去兄可與之小立片言看是那人不
請否生請了韋崔下且尋釵科不見釵這不做美
的梅梢也

前腔止不過紅圍擁翠陣遮偏這瘦梅梢把咱相

攔拽作避生介喜迴廊轉月陰相借怕長廊轉燭

光相射生做見科且怪檀郎轉眼偷相撇生笑介

爭了釵哩且可是這生拾在合前

玉交枝生是何衙舍美嬌娃走得吱噠流是霍王

小姐生奇哉奇哉就是小玉姐麼流便是生小

生慕之久矣因何獨行流來尋墜釵生你步香

街不怕金蓮楚總為這玉釵飛折流秀才可見釵

來生釵到有請與小玉姐相叫一聲且低聲云

浣紗這怎生使得且問秀才何處生隴西李益

表字君虞排號十郎應試來此且作打覷低鬟

微笑介鮑四娘處聞李生詩名咱終日吟想乃

今見面不如聞名才子豈能無貌生作聽徑前

請見科呀小姐憐才鄙人重貌兩好相映何幸

今宵且作羞避介釵喜落此生手也釵你插新

粧寶鏡中燕尾斜到檀郎香袖口是這梅梢惹浣

紗叫秀才還咱釵也 合怕燈前孤單這些怕燈

前孤單了那些生請問小玉姐侍者咱李十郎孤

生二十年餘未曾婚媾自分平生不見此香奩

物矣何幸遇仙月下拾翠花前梅者媒也燕者

于飛也便當寶此飛瓊用為媒采尊見何如 浣

惱介書生無禮見景生情我待罵你呵 旦劣丫

頭是怎的來

前腔花燈磨折為書生言長意賒秀才咱釵直千

金也 生此會千金也 旦背笑介道千金一笑相

逢夜似遇藍橋那般歡愜還俺釵來生選箇良媒

送上玉花釵他丟下聲長短嗟玉梅梢咱賺着

影高低說合前浣夫人候久咱們家去也

川撥棹簫聲咽和催歸玉漏徹旦為多才情性驕

奢沒些時月痕兒早斜浣紗叫秀才還咱釵來作

斜拜生科合乍相逢歸去也 又生揖科

前腔生花燈夜有天緣逢月姐浣秀才你把箇香

閨女覷得眼也斜留了咱燕釵兒貪他那些合前

尾聲生玉天仙罩住得梅梢月春消息漏洩在花

燈節旦低聲明朝記取休向人邊說旦流下生

場奇哉奇哉李十郎今夜遇仙也

玉樓春生嬋娟此會真奇絕睡眠重惺春思徹他端

時遙映燭花紅咱待放馬蹄清夜月呀鸞影催歸

燕釵留在教小生怎生回去也

玉樓春後崔上天街一夜笙歌咽墮珥遺簪幽恨

結韋上那兩人燈下立多時細語梅花落香雪十

郎可是那人生真異人也

六犯清音他飛瓊伴侶上元班輩迴廊月射幽暉

千金一刻天教釵挂寒枝咱拾翠他含羞啓盈盈

笑語微嬌波送翠眉低就中憐取則俺兩心知韋

崔少甚麼紗籠映月歌濃李偏似他翠袖迎風

糝落梅生恨的是花燈斷續恨的是人影參差恨

不得香肩縮緊恨不得玉漏敲遲把墜釵與下為

盟記合夢初迴笙歌影裏人向月中歸崔既此女

子於兒分上非淺不可負也崔

尾聲玉天仙去也春光碎這雙情眼呵怎禁得

許多胡亂生咱半生心事全在賞燈時

釵燕餘香衫袖間 藍橋相見夜深還

抵應不盡嬋娟意 猶向街心弄影看

第七齣 生上

搗練子 花淡澹月嬋娟迴廊燈影墜釵前透萬點

星橋情半點 如夢令 門外香塵正度窓裏星光欲

笑曙客舍悄無人夢斷月堤歸路無緒無緒搖漾

千燭花人語小生昨夕和小玉姐對玩花燈眼尾

六眉梢多少神情拋接也

普天樂 俺正憑闌想碧雲靜處花燈綻他絳籠深

護春光煖乍相逢試回嬌眼似廣寒低躡飛鸞笙

歌遠人零亂金釵墜無言自把梅花瓣剛撒下佩

環清月影曉馬歸來夢斷覺東風病酒餘香相半

不是路 鮑上 庭院幽清他出衆風流舊有名彈花

柄想尋花去蝶夢初驚 生笑迎介 是卿卿懶雲鬟

到撒得冠兒正肯向書齋僻處行 鮑 承恭敬看君

笑眼迎門應有些僥倖 又鮑 世間尤物意中人可

向燈前會的真不用眉梢攢一處且將心事說

三分昨夜燈前有何所見生人中嚷嚷都無所

笑見但拾得墜釵紫玉燕一枝煩卿賞鑒作看釵

介鮑好一枝紫玉釵也

啄木公子波文瑩鈕疊明點翠圈珠瓏嵌的整透

紫瓊枝似闌干日漾紅冰燕呵為甚嘴翅兒西飛

另他在粧奩帕上棲香穩雲鬢搔頭弄影停誰付

與多情

前腔生花燈後人笑聲月溶溶罩住離魂倩墜釵

橫處相尋特地逢迎這釵燕呵雖則軟語商量渾

未定早則幽香蘸動梅花影紅潤偷歸翠袖擎天

付與書生

好姐姐鮑恁般紅鸞湊成這燕花釵為折証你端

娥親許玉鏡臺前會得清合燈兒映相逢便是神

仙境何用崎嶇上玉京

前腔生知他是雲英許瓊墜清虛立定露華春冷

肯向瑤池月下行合前生煩卿就將此釵求其盟

定彼時自有白璧一雙為獻也

尾聲鮑為單飛去配雙飛影生墜釵人倚粧臺正

凭鮑昨夜燈花兩人照証明

燈前月下會真奇

袖去寶釵成玉杵

第八齣 旦上

恰似雲英一喚時

不須千里繫紅絲

薄倖薄粧凝態試爇弄寒天色是誰向殘燈澹月

仔細端詳無奈憑墜釵飛燕徘徊恨重簾礙約何

時再浣似中酒心情羞花意緒誰人會慊慊睡起

兀自梅梢月在應天長日燈輪細轉月影平分笑

處將人暗認曾半倚紗籠手撚墜釵閒借問誰

解語春相印怯邂逅詞成芳信人影散獨自掃

來凭闌方寸浣紗拾釵人何處也

字字錦春從綉戶排月向梅花白花隨玉漏催人

赴金釵會試燈回為着疎影橫斜把咱燕釵兒粘

帶釵釵恨尋的快快是何緣落在秀才好一箇秀

才秀才你拾得在合是單飛了這股花釵配不上

雙飛那釵乍相逢怎擺那拾釵人擎奇擎奇得消

消洒洒怏怏愛愛閃得人兢兢待待厭厭害害却

原來會春宵那刻

前腔浣無意燕分開有情人奪采他將袖口兒懷

恁想着花頭戴步香街淡月梅梢領取箇黃昏自

在釵釵書生眼快快恁是個香閨女孩逗的個女

孩女孩伽伽的拜合前

入賺鮑上春寒漸解准望着踏青桃菜金蓮步躡

早是他朱門外誰人在內作鸚哥叫云客來客來

旦驚影動湘簾帶鸚哥報客來浣今朝風日好

有甚金釵客見科旦呀原來鮑四娘也到來多會

鮑可知道你深閨自在小玉姐愛戴紫玉燕釵

今日緣何不見旦無心戴他鮑敢是單了一枝

旦笑何處單來鮑咱說他單便單咱說他雙便

雙憑你心下旦笑四娘說了雙罷鮑却原來且

問你緣何此釵便落此生之手

雪獅子旦燈花市月華街月痕暗影疎梅愛清香

小立在迴廊外花枝擺又把燕釵兒懸在天付與

多才合單飛燕也釵雙飛燕也釵雙去單來單去

雙來可似繞簾春色還上我玉鏡粧臺

前腔鮑燈似晝人如海偏他們拾取奇哉這觀燈

十五無人會便揉碎又梅花少不得心兒採多則
是眼兒乖合明提起也釵暗提起也釵明去暗來
暗去明來可似繞簾春色還上我玉鏡粧臺鮑你

說着玉鏡臺李郎就是便將此釵來求盟定旦

那生畢竟門地何如才情幾許怎生弱冠尚少

宜人鮑若論此生門族清華少有才思麗詞佳

句時謂無雙先達丈人翁然推伏每自矜風調

思得佳偶博求名闕久而未諧旦原來如此此

事須問老夫人

隔尾你說着玉鏡臺那酸俵怎就把咱頭上釵兒
來挿釵只怕老娘呵識不出武陵春色下

鮑弔場 老夫人有請

一剪梅老旦上 霧靄籠葱貼絳紗花影窓紗日影

窓紗迎門喜氣是誰家春老儂家春瘦兒家見科

老原來是鮑四娘到來春色三之一王家日漸

長鮑關心兒女事閒坐細端詳老夫人你道妾

身今日爲何而來竟爲小姐親事老少女雛稚

之年恐未曉成人之禮聽俺道來

宜春令天生就女俊娃似鴛鴦常依膝下重重簾
幙漏春心何曾得到爐烟篆一縷清霞玉瓶花幾
枝瀟洒似人家煞不成妝逗耍

前腔鮑渠年長伊鬢華老年人話兒喬作衙他芳

心染惹怕春着裙腰身子兒乍鴛鴦譜挑不出閑
心美女圖覷許多情話你守着他投得個夜香燒
罷

前腔老催人老可歎嗟論從來女生外家眼前恁
捨穩倩個乘龍嬌客來招嫁起西樓備着吹簫展

東床留教下榻誰家養女兒尋思似咱那人何如

前腔鮑才情有年貌佳李十郎隴西舊家全枝堪

借管碧梧栖老鸞停跨將雛曲畢竟雙飛求鳳操
看他駟馬出沒爭差把這股玉燕兒留下老

且看欵介呀這欵活似小玉上頭之物何因得
在此生婚姻事須問女兒情願浣紗請小姐出

來浣請介

一剪梅旦上睡起東風數物華暗惜年華暗惜春

華停雲數點雨催花前夜燈花今日梅花見科老

見鮑四娘來與隴西李十郎求親你意下何如
旦說他則甚

綉帶兒掩春心坐羅幃綉榻羞人喚作渾家想仙
姬不是蘭香笑漁郎空問桃花非誇冰清到底無
別話守定着香閨這答啼科娘和女俦行可嗟形
影相依怎生撇下

前腔老旦年華為甚的雲寒月寡守着一搦香娃

兒就明姑仙子也有人間之情看羅敷早配玄
都恨玉蘭空孕蓮花仙查天宮織女猶自嫁銀河

畔鵲橋親踏今日呵男共女兩家兒一家分付與
東君畢罷了老娘心下

前腔浣休嗟嬌花女教人愛殺恨不早嫁東家你
憐老夫人麼只怕柘枝兒兩頭繫絲到大來貪

結桃花背介哄咱青春不多也二八少不得籠窓
動闌好和互這些時破瓜便道是白玉無瑕青春

有價
前腔鮑喧嘩把媒人似絲鞭兒擘打得你半口甜

茶却為甚俊洒多才尚沒個襯裙人家奏咱士女

愁春沒亂煞母親行白忙閒話真和假那些禁架
你不信看玉燕釵頭玉梅花下老正是這釵是小

姐香奩中物何因得落他家且作羞介老且問

這是怎的來

太師引浣元宵夜放了觀燈假轉迴廊梅疎月華

臨去也墜釵斜挂急尋着被他翠袖籠拿老便是

那李秀才麼浣但逢着書生不怕偏絮刮俺小

姐有些嬌怯老那生說甚來浣說他青春大曾無

室家是禁不得他賺玉留香多霎老小姐說甚來

前腔浣聽說他能風雅想不着良宵遇他虧了俺

籠燈倚月聽才子佳人打話他把釵兒接下那歡

恰俺小姐淡月隱梅花老却怎的浣嬌波抹道有

心期那些老因何浣知怎生呵一笑相逢緣法老

笑問玉兒可是也

三學士且低聲科是俺不合向春風倚暮花見他

不住的嗟呀知他背紗燈暗影着蛾眉画還咱箇

插雲鬢分開燕尾斜猛可的定婚梅月下認相逢

一笑差

前腔 老你百歲姻緣非笑耍關心事兒女由他知
他肯住長安下怕燕爾翻飛碧海涯輕可的定婚
梅月下怕相逢一線差

前腔 鮑 玉姐呵翠氣生香春一把那書生也將相

根芽接了你嵌成寶玉雙飛燕難道是飛入尋常
百姓家俺可也定婚梅月下敢把把好姻緣一對
誇浣 老夫人成就了罷

前腔 浣 這是那月夜春燈搖翠霞武陵溪蘸出胡
麻才郎呵可有乘龍一騎青絲馬配上咱插燕雙

飛綠鬢鴉你可也定婚梅月下好姻緣一世誇老
片語相投拾釵為定天也天也

尾聲 你問乘龍那日佳俺這裏画堂簫鼓安排下
鮑 他還有白璧成雙錦上花

偶語風前一笑回 月籠燈影袖籠釵

如今好取釵頭燕 飛向温家玉鏡臺

第九齣 生上

思越人 好是觀燈透玉京如魂如夢見飛瓊畱
連步障笙歌隱彷彿遺釵笑語明春淡淡玉真

真幾時真箇作行雲閑來欲試花間手盼殺行
媒月下人俺心事托鮑娘爲媒恰好怕老夫人
古撇也

鶯集林春 恰燈前得見些些情向迴廊步月漏點
兒丁東長歎徹似悔墜釵輕去瑤闕儘來回花露
影念渠嬌小點點愛清絕漾春寒愁幾許慊慊心
事自共素娥說

前腔 不准擬恁情深邂逅低鬟笑歇恍月下聞鶯
歸去也天淡曉風明滅也應他難遇惺惺解憐才

有意須教徹人近遠幾重花路比武陵源較直截
四犯鶯兒 愛的是女嬌奢怕的他娘生劣近新來
時勢把書生瞥無分周遮有數奇絕不應恰恁相
逢別不爲淫邪非貪貲篋眼裏心頭要安頓得定
迭

前腔 但憑咱書五車甚處少紅一捻只他乍相逢
相愛無言說釵頭枝葉和媒人根節錦春梭攬定
鶯兒舌咱望眼天斜幽懷喑咽去了多時早那人
來也

懶画眉

鮑上

碧雲天外影晴波看罷了春燈景色

和咱曉鬟偷出睡雲窩

見科生

有勞四娘那人心

事諧否

鮑

他口兒不應心兒可可道人在春風

喜氣多

生

他可道來

前腔

鮑

道你個題橋彩筆蘸晴波傅粉人才艷綺

羅道是你舊家門第識人多湊的個釵頭玉燕天

和合成就你玉鏡臺前去畫翠蛾

生

那人真箇如

何

鮑

俺去正逢他睡起也

醉羅歌

睡覺睡覺嬌無那梳洗梳洗着春多露春

纖彈去了粉紅澹半捻春衫彈香津微搵碧花凝

嚼芙蓉暗笑碧雲偷破春心一點眉尖閣休唐突

儘阿那書生有分和他麼

前腔

生

停妥停妥有定奪歡倖歡倖早粘合拚千

金買得春宵着受用些兒個傷春中酒輕寒自覺

人兒共枕春宵煖和算花星捱的孤鸞過三日後

五更過十紅拖地送媒婆

鮑

十郎花朝日好成親

看你好不寒酸那樣人家少不的金鞍駿馬着

幾箇伴當去

生

領教

尾聲

鮑

論你一品人才真不弱趁風光俊煞你個

令閣十郎呵還辦取拭雨粘雲半帖羅

下

生 爭場

四娘說咱寒酸不免請韋崔二兄代求

人 馬光輝也

月姊釵頭玉

冰人線脚針

傳來烏鵲喜

占得鳳凰音

第十齣

秋鴻上

世情貪點染所事看施爲人馬一時俊門戶兩
光輝俺李相公人才出衆天湊良姻只少人馬

扶助去請崔韋二位商量好不精細也

玩仙燈

生上

人物似相如少個画堂車騎秋鴻已

請崔韋二位相公議事這早晚可來也

小蓬萊

韋崔上

春意漸回沙際風流長聚京都終

南韋曲博陵崔氏瀟洒吾徒

見科崔

拾釵芳信如

何生 花朝之夕已注佳期只有一段工夫央及

二兄幫襯

崔

願聞

生

王門貴眷禮須華重客裝

寒怯實難壯觀聽小弟道來

駐馬聽

出入惟驢實少銀鞍照路衝待做這乘龍

快婿騏驎才郎少的駟馬高車花邊徒步意躊躇
嘶風弄影知何處合後擁前驅教一時光彩生門

戶崔十郎你不曾同姓為婚怎生巫馬期以告要

馬我崔家儘有韋崔子弒齊君是陳成子有馬

十乘崔家那裏有一匹兒我韋家到有崔怎見

得韋却不道魯韋呂馬崔休閒說長安中有一

豪家養俊馬十餘匹金鞍玉轡事事俱全當為

君十借

前腔不說駘駑有個翩翩豪俠徒許你一鞍一馬

做個馬上郎君少不的坐下龍駒驚香欲到錦屠

蘇銀鞍綉帕須全具合前生有了馬還敢求一事

前腔冷落門閭只合樵青伴釣徒今日過門呵少

不得要步隨鞭鐙手捧衣裳背負琴書花星有喜

不為孤身官所恨慳奴僕合前崔你不曾之子子

歸先要宜其家人使不得邦君之妻曰夫人夫

人自稱曰小童但帶幾個俊童怕新人喫醋若

要家童有顏色梅樹雕幾個去韋怎見得崔百

家姓要江童顏郭梅盛林刁生取笑取笑韋這

椿也在那豪士家有綠鞵文幘粧飾非常

前腔

韋

自有豪奴不羨秦官馮子都不用吹簫僮

約結柳奴星有剪髮胡雛好教你垂鞭接馬玉童

扶衣箱別有平頭護

合前

尾聲

韋崔

你逞精神去坦東牀腹那些兒幫襯工

夫成親看喜也只願你人馬平安穩坐了黃金屋

本色更何如

攢弄要工夫

定須騎駿馬

誰待使痴奴

第十一齣

旦上

番卜筮

屏外籠身倚睡覺唇紅退暈纖蛾暗自領

佳期珍重花前意

菩薩蠻

天穿過了還穿地枕痕

一線搖紅睡春色襯兒家羞含荳蔻花裙腰沾

蟾子暗地心頭喜越近越思量懸愁花燭光日

昨已許李郎定親佳期蚤晚好悶人也

五供養

相逢有之這一段春光分付他誰他是個

傷春客向月夜酒闌時人乍遠脉脉此情誰識人

散花燈夕人盼花朝日着意東君也自怪人冷淡

蹤跡

前腔 夢兒中可疑記邂逅分明還似那迴時玉釵
風不定為誰閒撚花枝道甚重簾不捲燕子傳消
息隨意佳期緩爭信人心急不如嫁與受他真個
憐惜

金瓏璫

鮑上

綠枝么鳳拍香痕暗沁莓苔畫堂春

暖困金釵不捲珠簾誰在

見介旦

花氤蝶翅頻敲

粉鮑

柳颯蜂腰促報衙

旦

翠掩重門春睡懶

鮑

一天新喜教兒家

旦

何喜見教

鮑

教你個喜字

來新婚那夜呵

玉交校 燭花無賴背銀缸暗擘瑤釵待玉郎回抱
相偎揣顰蛾掩袖低迴到花月三更一笑回春宵
一刻千金免挽流蘇羅幃顫開結連環紅襦懊解
前腔 鸞驚鳳駭誤春纖搵着檀腮護丁香怕拆新
蓓蕾道得個荳蔻含胎他犯玉侵香怎放開你疑
雲覺雨堪瀟洒喫緊處花香這回斷送人腰肢幾
擺洞房中所事堪停當也

沉醉東風 你把鴛鴦襯裙兒剪裁指領上繡緘憑
在勾春睡小眠鞋要一領汗衫兒耽待那其間半

葉輕羅試采你把羞眸兒半開斜燈兒半開試顯
出你做夫妻們料材且罷了鮑可罷了也

前腔帶朝陽下了楚臺起窺粧照人無奈暗尋思
顰眉簇黛把餘紅偷覷還猜防人見侍兒們拾在
賀新人美哉賀新郎美哉顯的你做夫妻們喜來

且謝了老夫人請你講話也

尾聲

鮑

咱去來說與你個明白選成親花朝好在

折莫你這幾日呵葫蘆提較害

一搦女兒身

齊眉作婦人

人生初見喜

花草一年春

第十二齣

秋鴻上

主人性愛秋鴻斗居奴僕同宮從今脫了主顧
以前布下了春風自家秋鴻便是只因人物粗
通伏事李郎客中一年半載好不乾淨如今配
上了霍家小姐主不顧僕了叫做失了主顧雖
然如此霍府少甚丫鬟東人念舊少不得秋鴻
也配上一個叫做俺有春風他有夏雨這都不
在話下了昨日相公轉托韋崔借人借馬榮耀

成親分付到時好生安頓可知道哩奴要白飯
馬要青芻都不備一些子叫俺管頓好不顏氣
也且看門外如何 雜豪家剪髮胡奴一人牽馬

一匹上白面兒郎宜俊馬洞簫才子借髯奴昨

有韋崔二先生借俺豪家人馬與個隴西李十

郎往那家去這是他寓所高叫一聲 鴻好好人

馬一齊到馬少一匹 雜因何 鴻俺家十郎配那

家主兒俺也同這吉日配上那家一個俊不了

的穿房因此多要一匹 雜好命也纔脫了人騎

就要騎馬早哩 鴻也罷看你馬馬去得再看人

笑介原來你前身是馬 雜怎見得 鴻馬剪踪人

也剪踪馬老子黑你們臉通黑知馬是你前身

雜惱介呀你家借馬借人白飯青芻不見些兒

倒來罵俺好打這厮 打介

玩仙燈 生上擇吉送鸞書儘今夜孤眠坦腹呀人

馬借來是客秋鴻這狗才恁般驕橫位管家

怨罪 雜叩頭介不敢請相公看馬何如 生好馬

好人 雜敢問相公那家去 生好馬

孝順歌

生

是霍王府呵招鳳侶配鸞雛借鴛鴦白

馬光戶問這馬呵鬧色紫茸鋪壓胯黃金鍍真個

飛香紅玉稱兩袖風生一鞭雲路阿對前頭要幾

個人兒護你們到那家答應放精細些須剔透要

通疏那人家多禮數

雜

知道了

前腔你是名家子冠世儒這馬呵配春風美人堪

畫圖俺豪門體態殊風流慣相助李相公你跨金

鞍駿駒擁綠鞵蒼奴到瑣牕窺處那時小的們不

敢說只怕相公酒後呵也不着支吾坦露了東

床腹只一件來馬好料奴要好酒相公也要多

喫些大家掙出精神來和你高控轡響傳呼顯

風光賽尋俗

生

多謝了今夜且安歇

雕胡人當酒

莖薦馬為芻

坐憑金驪裏

走置錦流蘇

第十三齣

旦同浣上

鵲橋仙珠簾高捲畫屏低扇曙色寶奩新展絳臺

銀燭吐青烟熒熒的照人靦腆好事近紅曙捲牕

紗睡起半拖羅袂

浣

何似等閒睡起到日高還

未旦催花陣陣玉樓風樓上人難睡浣有了人
兒一個在眼前心裏旦早晚佳期鮑四娘還不
見到

臘梅花

鮑上

花燭爐香錦綉筵屏山霧抹鸞初偃

紅線結姻緣探花人到百花高處會雙仙

見介仙

郎一時就到且同郡主鳳簫樓一望

做望介鮑

你看那是勝業坊這的是曲頭這是你府門首

旦呀四娘一個騎馬官兒來也

鮑

呀望南頭來

了生騎馬胡奴秋鴻三四人跟上

翠地錦襠春紅帶醉袖籠鞭壓鞦韆葳蕤照水邊美
人香玉豔藍田遙望秦樓生翠烟下旦驚喜介四

娘你看那生走一灣馬呵風情似柳有如張緒
少年迴策如縈不減王家叔父真個可人也

掉角兒是誰家玉人水邊斗驕驄碧桃花旋坐雲

霞飄飄半天惹人處行光一片猛可的映心頭停

眼角送春風迎曉日搖曳花前青袍粉面儂家少

年得娘憐抵多少宋玉全身相如半面

鮑

這樓早

則望夫臺也好下樓去請老夫人迎接新郎

做

下介須教翡翠聞王母無奈鴛鴦噪鵲橋

瑞鶴仙

老旦上有女正芳妍繫綠蘿千里紅絲一

線春深景明媚正玉漏穿花金屏合箭芳信呢喃

早則是玉釵歸燕關心兒女齊眉夫婦今日如願

李郎早到也浣紗賓贊那裡賓贊上有有有色

與禮執重新郎色上緊禮與食執重小子食上

紫堂上唱禮只好觀床上唱禮偏好聽鮑床上

息生唱賓俯伏鞠躬跪一般興不唱興唱做興

鮑床上息不唱拜賓新郎點頭就是拜唱了拜

時敗了興生上

寶鼎兒玉驄鞭鞞正綺羅門戶笙歌庭院冉冉飛

絳臺雲細深深處綉簾風軟旦上且喜玉釵雙燕

穩還似玉梅初見合對寶鼎香濃芳心暗祝天長

地遠賓贊贊云拜天地天地交通泰水火倒既濟

今年生個小蒙童明年生個大歸妹拜老夫人

拜謝金玉母領取碧霞君今年封內子明春長

外孫夫妻交拜今日成雙後富貴天然偶一個

附鳳攀龍一個祝雞養狗鮑譚介好個豪家婆

也賓禮畢新郎新人就位人從叩頭秋鴻胡奴

見介鴻的的親親的小秋鴻叩頭老那些人從

都是李家麼鴻不是李家是桃家老那個桃家

雜豪家老那個豪家雜李家做了豪家老好好

原來李郎豪家子也馬可是李家鴻不是李家

是桃家老怎生又是桃家馬生不是桃家馬是

桃花馬老李郎好一個桃之天天浣紗請這賓

相一班騎從別館筵宴雜好咱們喫酒去戶外

碧潭春洗馬樓前紅燭夜迎人下老看酒生小

生還有藍田白玉一雙文錦十足少致筐筐之

敬老小女領下李郎素聞才調風流今見儀容

雅秀名下固無虛士小女雖拙教訓顏色不至

醜陋得配君子頗為相宜生謝介拙鄙庸愚不

意顧盼幸垂錄采生死為榮生把酒介

錦堂月綉幙紅牽門楣綠遶春色舊家庭院烟霧

香濛笑出乘鸞低扇似朝陽障袂初來向洛浦凌

波試展合神仙眷看取千里佳期百年懽燕

前腔日幸然王母池邊上元燈半縹緲銀鸞映現

一飲瓊漿藍橋試結良緣吹簫侶天借雲迎飛瓊
珮月高風轉 合前

前腔 老 堪憐自小嬋娟從來腴腆未許東風一箇

鳳曲將雛占得和鳴天遠倚青鸞玉鏡妝成對孔

雀金屏中選 合前

前腔 衆 暄妍翠氣生烟紅妝豔日小令合懽歌遍

喜才子佳人雙雙錦瑟華年銀燭影河漢秋光碧

桃浪武陵春片 合前

醉翁子 老 堪羨好韶華長則把紅絲兒繾戀怕寒

宮桂影高洛陽花賤 生 不淺似底漾深恩何處春

光買翠鈿 合 持歡勸但記取月下花前玉釵雙燕

前腔 旦 閒辨画眉人蘸了筆花飛硯趁三星在天

五雲低殿 生 如願穩倩取鸞封一對夫妻畫錦圓

合前

倖倖令 燈花紅笑顛高燭步生蓮且喜闌夜口脂

香碧唾環影耀金蟬愛少年

前腔 顏酡春暈顯花月好難眠無奈斗轉銀瓶催

漏悄翠袖裊髮偏待曉天

尾聲錦帳流香度百年作夫妻天長地遠恰這是
受用文章花月仙

春花春月兩相輝 千里良緣一色絲

盼到洞房花燭夜 圖他金榜挂名時

第十四齣 浣紗上

曉幄流蘇春意長花頭彈動雨初香紗窗細拂
蛾眉了斜歛輕軀拜玉郎好笑好笑郡主配了
李郎俺做浣紗的在床背可睡也呵那李郎甚
麼心情俺郡主許多門面俺也聽不得了如今

日勢向午纔起新妝 旦上

探春令合歡新試錦衾重羅帳春風 浣扶介 且嬌

倩人扶笑嗔人問沒奈多情種荷葉杯枕席夜來

初薦瞻顛鬟亂四肢柔泥人無語怎擡頭羞麼

羞羞麼羞 浣笑介 喜也郡主苦也郡主呀素設

設帕兒早發變也

鶯啼序 浣 眉州小錦新退紅汗粉漬勻嬌瑩他幾

曾花事春容早印透春痕一縫苦也碎嬌啼窣裡
聞鶯緊摺葉沁成么鳳春如夢整一片雨雲香重

阮郎歸 生上 綠紗窗外曉光催神女下蛾眉細看

他含笑坐屏圍倚新妝半晌嬌橫翠 見介 學画蛾

眉翠淡濃遠山春色在樓中須臾日射胭脂頰

一朵紅酥旋欲融小玉姐初見你時一室之中

若瓊林玉樹交枝皎映轉盼之間精采射人聽

你言敘溫和詞旨宛媚解羅衣之際態有餘妍

到得低幃睡枕極甚歡愛小生自忖巫山洛浦

不如也 旦含笑介 惶愧惶愧 生 我有友人韋夏

卿崔允明約來相賀須是酒餚齊備 旦 理會得

鵲橋仙 韋崔上 紅壁窺鶯銀塘浴翠着處自成春

意秦樓簫史鳳初飛望雲氣十分濃媚 進 撞見介

正好正好請新郎新人賀喜才子佳人可是人

間天上也筆花新展画眉才仙女吹笙學鳳臺

生旦 天上忝成銀漢匹人間恭喜客星來 生 看

酒 浣持酒上 生香聞舊酒熟客見新人酒到 生

旦把酒介

玉山兒 生 画堂客至整襟裳鸞鶴低飛銀荷上絳

燭飛輝寶爐內篆烟沈細 旦 對舊遊新喜不由咱

羞眉半聚裏手拈鸚嘴生日合溜釵垂倚郎微拜

渾覺自嬌痴

前腔崔露華朱邸自生成玉葉金枝印春山半暈

新眉破朝花一條輕翠韋画梁初日一片美人雲

氣世上能多麗韋崔合是便宜尋常花月偏是你

遇仙時

前腔生幾年排比背長廊月下尋梅見佳人獨自

徘徊恰好事恁相當對旦是前生分例儘百媚天

應乞與消得多才藝生日合遂心期紅顏相向直

是好夫妻

前腔韋可人風味近軒庭晝漏遲遲瑞香風吹到

仙姬牡丹春襯成多麗崔俺狂儔怪侶來盼問雨

香雲迹向豈蕊梢頭翠崔韋合早些時宜男開放

休辜負碧桃棲韋罷酒小弟一言君虞既婿王門

眠花坐錦郡主宜效樂羊之職助成玄豹之文

休得貪權有羈大事

朱奴兒韋好男兒芙蓉俊姿傍嫦娥桂樹寒棲崔

勸取郎腰玉帶圍休只把羅裙對繫合書齋榻舉

案齊眉穩倩取花冠紫泥旦二君在上李郎自是

大富貴中人只怕富貴時撒了人也

前腔旦婚姻簿是咱為妻怕登科記註了別氏崔

十郎不是這樣人肘後香囊半尺絲想不是薄

情夫婿合前崔君虞三人中你到有了鳳凰巢俺

二人居然窮鳥不論靡家靡室兼之無食無衣

如何活計生小弟在此從容圖之

尾聲崔相女配夫雙第一韋論相夫賢女也得今

無二合眼看的吹簫樓上一對鳳凰飛

客賀新婚飲半酌勸郎遠志莫蹉跎

酒逢知己頻添少話若投機不厭多

第十五齣衆擁盧太尉上

越調蠻牌令獨坐掌朝樞出入近乘輿君王詔乘

春令殿前兵馬洛陽都指鸞旗暫此東巡遊駐大

比年怕試期耽誤詔就此開科選俊儒咱怎生閉

塞了賢門戶西賓東主帝王家行幸中都止翠華

才子來攀春月桂君王垂問洛陽花自家乃盧

太尉是也盧杞丞相是我家兄盧中貴公公是

我舍弟一門貴盛霸掌朝綱今年護駕東遊洛
陽怕春選誤期卽于洛陽行省挂榜招賢思想
起俺有一女年將及笄不如乘此觀選高才爲
婿左右那裡堂候跪介淨聽分付說與禮部凡
天下中式士子都要參謁太尉府方許註選正
是近水樓臺先得月向陽花木易爲春下

第十六齣

浣紗上

意態精神画亦難花枝實個好團樂曲轉新聲
銀甲暖酒浮香米玉蛆寒自家浣紗是也郡主

配了李十郎將秋鴻賞了浣紗秋鴻伶俐知書
却被十郎使得東去西去到不如俺家烏兒配
了櫻桃兩口鎮日竈前竈後正是乖的走碌碡
贏得眼前熟痴的不出屋夜夜皮穿肉俺看李
郎和郡主十分相愛今早又分付花園遊憇俺
取了白玉碾花鐫盛了碧桃新釀剛紅矮几擺
着菓葉碗數十枚且是郡主絃管之暇雅好詩
書筆床墨硯多是王家舊物都帶巾箱伺候一
對兒早到也且上

憶秦娥 深深院弄晴時候東風軟東風軟晝長無

那暖鶯初轉浣夢餘口喚添香篆画眉一線屏山

遠合屏山遠捲簾花氣夜來深淺春光好旦紗

窓淺画屏深意沉沉春着裙腰無力暗知音浣

燕尾剪裁羅勝翠茸點綴花簪小姐呵你一點

春攢無限事小眉心旦浣紗眉心有甚事來浣

小姐未遇李郎時打鞦韆擲金錢賭荔枝拋紅

豆常自轉眼舒眉到李郎上門鎮日紗窓裡眉

尖半簇敢自傷春也旦春香呵咱怎比做女兒

時由得自家心性那浣可是成人不自在哩生

上

夜遊春宿雨朝陽館鬆花控柳烟初滿幽懽何妨

日日展擁溫柔恨夜來寒頓淺浣紗溪生輕打銀

箏落燕泥暖絲高罨画樓西旦花冠閑上午墻

啼生眉色暗深芳草徑靨花輕綻碧桃溪旦個

人何事閉深閨生娘子說何事閉深閨與你春

遊半日旦酒篋衣箱俱已齊備請行行介生名

園春色正相宜旦夫婿前行少婦隨生竹裏登

樓人不見旦花間覓道鳥先知浣這是百花園
門首哩

畫眉序生花裡喚神仙幾曲園林芳逕轉旦正春

心滿眼桃李能言鋪翠陌平莎茸嫩拂畫簷垂楊

金偃到門介合春成片無人見平付與鶯捎燕剪

响遶花行一遭也

黃鶯兒生偷眼豔陽天帶朝雲暮雨鮮旦拈花介

一枝低壓宜春院芳心半點紅妝幾瓣和鶯吹折

流霞茜糝香肩春纖袖口拈插鬢雲邊生送酒介

皂羅袍尊酒把玉人低勸背東風立穩微笑花前

斜簪拋出金縷懸步香埃窄地凌波見旦作醉介

生湘裙皺鞞晴絲翠烟粉融香潤拚驕恣妍真

珠幾滴紅妝面

啄木兒旦狂妄婿遊戲仙荳蔻圖中春數點閑心

性皺花呵展綉工夫葡萄幾線却怎的半踏長裙

香逕遠和你向銀塘照影分嬌面怕溜閃了釵頭

鬢影偏浣天雨哩作避雨介

玉交枝生催花雨片度池亭草氣薰傳點蜻蜓撇

去驚飛燕趁泥香掠水盤旋咱兩個一逕行來一

字肩同行覆着同心扇停半霎瀟湘画闌坐一答

綉墩金線

生坐秋鴻上

洛下才人貪折桂秦中美

女好觀花稟相公天子畱幸洛陽開場選士京

兆府文書起送即日餞程不得遲悞

生如此快

安排行李渭河登舟也

鴻

明日放叅京兆府春

風催馬洛陽橋

下旦

新婚未幾明日分離如何

是好李郎你看我為甚宮樣衣裳淺画眉只為

曉鶯啼斷綠楊枝春閨多少關心事夫婿多情

亦未知素本輕微自知非匹今以色愛託其仁

賢但慮一旦色衰恩移情替使女蘿無託秋扇

見捐極歡之際不覺悲生

泣嘆介生

平生志願

今日獲從粉骨碎身誓不相捨小玉姐何發此

言請以素縑著之盟約

旦

浣紗箱盒裏取烏絲

闌素段三尺和墨筆硯來

浣

烏紗闌在此

生作

寫介

寫完呈覽

旦讀介

水上鴛鴦雲中翡翠日

夜相從生死無悔引喻山河指誠日月生則同

衾死則共穴李郎此盟當藏寶篋之內永證後

期

玉抱肚心字香前醉愿鎮同衾心歡意便碎心情
眉角相偎趁光陰巧笑無眠絮香囊宛轉把烏絲
闌翰墨收全向一段腰身好處懸生小生這點心

呵

玉山頽你精神桃李天生的溫香膩綿惹嬌音春
思無邊倚纖腰着處堪怜佳期正展為甚的顰輕
笑淺教青帝長如願鎮無言一春心事輕可的付

啼鵲

旦拜介李郎有此心如家謝也

穿撥棹情何限為弱柳擡青眼怕只怕箋煤字般
怕只怕箋煤字般道得個海枯石爛囑付你輕休
趣好花枝畱倚闌李郎看看日勢向晚回介

憶多嬌

合

春色黯香徑晚怯栖鴉啼向鳳城單乘

倒景暮光殘染殘霞衣袖鞞春興闌珊春興闌珊

忙歸去階苔翠班

旦作跌介

月上海棠

合

蓮三寸重臺小樣紅編綻怕逗了朱

門半約花關這一番遊滿春山較添得許多嬌眼
人影散鞦韆外花陰裡扣響銅環浣紗持燭上開

尾聲一簾春色如雲擘
咱高燒銀燭到更殘
怎說起送你個趁春風遊上苑

銀缸斜映晚粧紅
且照離情今夜中

夫唱婦隨長自好
青春明月不曾空

第十七齣 秋鴻上

日暖鶯聲麗風輕馬足先
主人能及第童僕也
登天昨日相公分付今日赴科
這早還未起來
叫浣紗 浣上鴻 請相公起程
京兆府有人伺候

正是才子功名易佳人離別難 下旦上

十二時何事春草草正銷凝
未了燕爾歡遲鴛班

赴早枕屏山夢斷魂遙強起
愁眉翠小銀瓶瀉水

促朝裝淚燭紅銷影曙光却
恠滿身珠翠冷無

人偎暖醉紅鄉奴家與十郎
為夫婦幾日不想

行幸洛陽彼中開選李郎要
赴京兆府起送秀

才雖則半月之程亦自牽人
愁緒早已拜辭了

老夫人也 生上

遶地遊青雲路有賦就凌雲
奏望朝雲徘徊意久

旦李郎真個起程也

黃鸞兒紅袖濕天桃乍驚回雲雨朝浪桃香二月

春雷早你去後呵雲橫樹杪雨餘芳草畫眉人去

走章臺道望迢迢金鞭惜與誰分玉驄驕

前腔生休恁淚鮫鮓為朝陽停鳳簫乘龍人試把

龍門跳向黃金榜標披香殿朝洛陽才子爭年少

望迢迢歸來携手衫袖御香飄鴻上稟知船在渭

河也

琥珀墜旦年少麗春園接受了求賢詔飲御酒三

杯休醉了也不管咱朱門俏待泥金報英豪你趁

着春水船兒天上坐了

前腔生韻高多應我詩成奪錦袍沈香亭捧硯寫

清平調也則怕你愁望的酥胸拍漸銷多嬌還你

個夫人縣君七香車載了鴻上稟相公京兆府催

請餞程也

尾聲旦去也呵不多時斷續鶯聲小還立盡暮雲

芳草李郎你去京兆府呵學一個京兆眉兒向畫

錦描

遊子帶天香

閨人戀夕陽

明知半月別

要使兩情傷

第十八齣

府尹上

番卜算黃屋去東巡紫詔來西尹桃花春片起魚

鱗直上龍門峻洛陽開榜喚羣英老拙承恩尹漢

京視草天書中秘出插花春酒秀才行下官京

兆府尹是也聖駕幸洛陽開場選士俺京兆府

長安縣單起送李益秀才一人早晚到也

好事近

生上

京兆選才人起送向長安灞津飄飄

獻賦欲凌雲領取上林春信

報見介

李益請拜見

老先生

拜介

披雲纔見日

尹

翰墨久聞香

生雅

度伶鸚鵡

尹

高飛看鳳凰左右看酒

長拍紫詔皇宣少年英俊青衫上墨香成陣李秀

才你此去呵龍蛇硯影筆生花遶殿晴熏今日

呵吉日良辰醉你個狀元紅浪桃生暈只望你鳥

帽宮花斜插髮軟帶垂袍挂綠雲臨上馬御酒三

盃盡喧滿六街塵香風細妬殺遊人

生

小生量淺

告行

尹

未也少年中了探花郎還有好處哩

短拍翰苑風清蓬萊天近御香浮滿眼氤氳視草
玉堂人紫荷囊金魚佩那些風韻到大來管掌着
紫薇堂印少不的人向鳳池頭立穩越富貴越精
神尹送生介
尾聲俺京兆尹送賢臣送你上朝班玉筍有精神
做得個畫凌雲第一人

爐中九轉煉初成

舉主看時亦自驚

唯有太平方寸血

今朝盡向隗臺傾

第十九齣衆將官上

點絳唇塞草烟寒旗門天半紅雲綻疊鼓凝旛大
將人懽看塞上經春氣色新關西纔換護羌軍堂
堂上將登壇日笳鼓驚飛一片雲列位請了咱
們都係玉門關內將官今日新節鎮劉爺升帳

伺候則個衆擁劉上

西地錦意氣鳳凰霄漢身當虎豹雄關坐擁貔貅
三十萬錦袍玉帶朱顏鷓鴣天曉風蕭瑟獵旌竿
畫戟油幢劔氣攢九姓羌渾隨漢節六州蕃落
拜戎鞍穿塞尾出雲端二月天西玉帳寒何事

連營歌吹發漢家飛將舊登壇自家扶風劉公
 濟是也叨承將種慣握兵機初當塞北擒胡今
 拜關西節制日吉魁罡走馬升帳分付眾將官
 放叅 眾將官叅見介 恭賀老爺封侯萬里 劉起
 來關西事近日如何 眾 聖日長輝邊塵不起十
 分平安漢家開四郡斷匈奴右臂大唐分界西
 羌為大河西小河西二國近被吐番鈴哄生心
 兩面之羌誠恐將來有防邊計 劉 如此須當演
 兵征討 眾 領鈞旨 演兵介

山花子

劉

大唐朝素號天可汗河西臂斷呼韓問

何如參差吐番怒冲冠帶挺獅蠻

合

點旌旗風傳

玉關倚空同長劍天山外望河源臨風把星宿彈

萬里封侯圖畫凌烟眾將官俺關西鎮少個叅軍

如今吐番爭戰河西軍書冗急咱已寫下榜文

請一位新科翰林來作軍咨兼為記室河西一

軍旌旗生色矣

眾

領鈞旨

前腔

劉

長鎗隊裏也要毛錐站軍咨記室優閒羽

書飛奏檄凱還須詞鋒筆陣瀾翻

合前

尾聲衆將官你豎牙旗打點刀環轅門外鼓角鳴
霄漢還看取投筆新叅他做個定遠班

大將從天陣捲雲 虎符初出塞西門

叅謀到日飛書去 定報生擒吐谷渾

第二十齣 旦浣上

金瓏璫風日洗頭天綠影暗移鴛鴦陡陰餘薄衫

寒透泥香燕子柔水碧鴉嬌皺一簾花雨濕春愁

惜分飛春愁無緒拖金縷夢裏餘香不去 浣故

故驚人睡悶來彈鵲心兒喜 旦飄飄奏就凌雲

賦會是兒家夫婿 合望極波凝翠盼花邊立馬

泥金字 旦浣紗李郎赴舉知得意何如好悶也

傍粧臺傍粧樓日高花榭懶梳頭咱不曾經春透

早則是被春愁暈的個臉兒烘哈的個眉兒皺鳴

鳩乳燕青春正幽游絲落絮東風正柔這些時做

不得悔教夫婿覓封侯

前腔 浣謾疑眸他可在杜鵑橋上數歸舟你合的

是夫妻樂他分的是帝王憂怎做得尋常般兒女

儔蟲蟻樣雌雄守他是西京才子教他罷休洛陽

春老知他逗遛只願他插花筵上占定酒頭籌

前腔

旦

錦袍穿上了御街遊怕有個做媒人闌住

紫驂騮美人圖開在手央及煞狀元收等閑便把
絲鞭受容易難將錦纜抽笙歌晝引平康笑畱烟
花夜擁俺秦樓訴休恁時節費人勾管爭似不風
流

前腔

流

你好似一眉新月上簾鈎百年人帖不上

半年週雨雲香猶自有絲蘿契急難丟你夜香不
冷花前呪他晝錦還歸月下遊你花冠領取因何

恁憂香車穩載因何恁愁少不的卿卿榮耀占住
了小紅樓

尾聲泥金喜画堂幽印押的鸞封紅耀手只這些
時燈花閒弄玉釵頭

長安此去無多地

鬱鬱蔥蔥佳氣浮

良人得意正年少

今夜醉眠何處樓

第二十一齣

文武官上

天下樂玉署春光紫禁烟青雲有路透朝元三天
日色黃圖外四海雲光綠字前列位請了今日殿

試放榜聖旨親點了隴西李益書判拔萃堪為
狀元早到五鳳門外恭候也 生上

卜算子 鸞鳳遶身翻奏徹祥雲見姓字香生紫陌

喧日近君王面 衆請狀元謝恩 生謝恩介

滴溜子 聖天子聖天子萬壽臨軒賢宰相賢宰相

八柱擎天人中選出神仙總送上蓬萊殿宮袍賜

宴謝皇恩今朝身惹御爐烟 衆請狀元赴宴 行介

前腔 笑從前笑從前文章幾篇喜今日喜今日笙

歌上苑十里珠簾盡捲纔認得春風面祥雲一片

浪桃香曲江人醉杏花筵

尾聲 鈴索一聲花滿院這清高富貴無邊多和少

畱些故事與人傳

紫陌萬人生喜色 曲江千樹發仙桃

青雲已是醉恩處 莫惜芳時醉錦袍

第二十二齣 盧上

一落索 劍履下朝堂平步星辰上春風桃李遍門

牆敢有一枝兒直強隻手擎天勢獨尊錦袍玉帶

照青春洛陽貴將多陪席魯國諸生半在門自

家盧太尉長隨玉輦協理朝綱聖駕洛陽開試
咱已號令中式士子都來咱府相見昨日開榜
有個隴西李益中了狀元細查門簿並無此人
姓名書生狂妄如此可惱可惱咱有一計昨日
玉門關節度劉公濟一本奏討參軍我就奏點
李益前去永不還朝中吾計也堂候那裏堂候
上 玉班丞相府花事洛陽春稟老爺有何分付
盧 天下士子俱到太尉府可怪新狀元李益獨
不到吾門俺有表荐他玉門關外參軍你去文

書房說知

風帖兒你說他書生筆陣堪爲將編修院無他情

况那劉節鎮呵表求個參軍選人望合須停當奏

兵機特地忙堂候知道了盧還分付你

前腔你說玉關西正干戈厮嚷寫勅書付他星夜

前往官兒催發不許他向家門傍合前

堪笑書生直恁愚 教他性氣走邊隅

人從有理稱君子 自信無毒不丈夫

第二十三齣 旦浣上

喜遷鶯鵲語新晴奈初分燕爾參差上苑聞鶯雲
近蓬萊烟消洛浦正春風十里柔情怎愁隨綉線
初迴夢遶香絲欲住春困也紅妝向晚歸來莫誤
卿卿蓋世文章金馬門京西才子洛陽春東風不
捲珠簾面待向花邊得意人昨夢兒夫洛陽中
式奴家梳粧赴任好喜也

二郎神憑闌定正東風人在洛橋花影試着春衫
鬆扣頸幾迴纖手薰徹金猊燼冷好是舊香荀令
語俚停趁新妝遊画省夢忪惺背紗窓教人幾番

臨鏡

前腔重省別時呵衫袖兒翠膩酒痕香迸澆十郎

終日遊街耍子哩想應他也為我恹恹病日

高慵起長是託春醒未醒澆蛛絲兒早喜也旦恁

雨絲烟映弄蟻蛛兒晴逗風光展翠眉相領正銷

凝好流鶯數聲堪聽老旦上

玩仙燈車馬正喧迎新狀元花生滿徑兒京兆府

接新狀元將至說是李郎也快備簫鼓迎宴

喜遷鶯衆擁生上御道塵銷春晝永彩雲簫史門

庭飛蓋妨花停驄襯草此日風流獨勝見介獻賦

已成龍化去除書親得鳳銜來花明驛路胭脂

煖山到秦樓罨畫開老狀元及第恭承畫錦之

榮賀喜賀喜生指日長安闕奉泥金之報慚愧

慚愧老浣紗看酒浣上袍香宮裏綠春色狀元

紅酒到

画眉序老花暖洛陽城似獻賦河陽舊風景喜吹

噓送上九天馳騁探一枝春色歸來帶五彩祥雲

飛映合跳龍門此日門楣應簫鼓画堂歡慶

前腔且曾中雀金屏你是個入彀英雄愛先逞趁

仙郎年少把縣君親領舊相如有駟馬前言新京

兆穩画眉清興合前

前腔生曾傍玉梅清報春色江南未孤冷喜素娥

親許暗香相並展漢宮帽壓花枝映月殿釵橫梅

影合前

前腔浣鴻春滿玉蓬瀛寶燭籠紗篆烟鼎看宮袍

袖惹翠翹花勝雨露恩天上碧桃春風燕日邊紅

杏合前使客上客路朝朝換鶯啼處處闌報知金

馬客叅佐玉門關下官盧太尉帳下徑來報李

狀元除了劉節鎮關西府內叅軍事早晚催赴

邊關此處便是通報見介生久領朝命容下官

數日起程使使得咱在灞亭西相候也下且驚

問介門外那官兒報狀元那裡去生低云朝命

催俺去玉門關叅謀劉節鎮軍事不久便回

滴潘子老謾說道三千丈風雲路徑乍歸來且把

十二西樓月映趁韶華入歡娛佳境便似尋常喜

氣近門闌也盼煞迴鸞影兀的真個乘龍怎生不

並生醉了也

鮑老催旦扶遊介從天喜幸綠衣郎近得紅妝敬

與郎醉扶起玉山凭休酩酊宜豪興當歌詠守得

你探花人到番春賸你向天街上遊衍把香風趁

合懽樹今端正

雙聲子眾門庭興門庭興遊畫錦春光凝非僥倖

非僥倖郎君福夫人命真相稱真相稱皇恩盛皇

恩盛羨夫榮妻貴永久歡慶

尾聲從今後一對好夫妻出入在皇都帝輦行謝

皇恩瞻天仰聖生則怕少不得綠暗紅稀出鳳城

朱衣頭踏引春驄歸到蓬壺晝錦濃

果稱屏開金孔雀休教鏡剖玉盤龍

第二十四齣老旦上

步步嬌彩雲欲散秦簫徹向御溝頭流水別嬌啼
暗幽咽去馬驚香征輪遶月風暈的塞塵遮好門
楣作了陽關疊謁金門留不得留得也應無益小
玉窓前紅袖滴鳳臺人半刻乍團樂底拋擲柳
色灞橋今日忍看鴛鴦三十六孤鸞還一隻自

家鄭六娘女兒小玉招得李十郎名魁春榜官
拜翰林便差去西鎮叅軍聽得關西吐番軍情
緊急悲介我的女兒也

醉扶歸合歡衾覆着纔停帖連心枕結得好周遮
踰雙絲半步不離些亂花風擺亞金泥蝶郎馬兒
站不了七香車關山點破香閨月

前腔浣恰好的鳳鸞簫雙吹向漢宮闕怎教他旗

影裏把筆陣掃龍蛇小姐呵昨宵燈兒下打貼的
翠波斜今朝車輪上蹶碎的柔腸絕杜鵑來了好

容嗟知後會甚時節

鮑土乍雨乍晴春自老閑愁

閑悶日偏長細聽鶯語移時立似怨楊花別路

忙聞得李十郎高中還鄉從軍遠去特取一分

春色相看萬里征人見介鮑鄭夫人你為十郎

遠征眼梢兒啼得好苦也老咱娘兒命薄也

女冠子

生上

離愁滿目還雌雄劍花偷覷漸魂移

帶眼夢飄旗尾玉驄嘶緊画鸞飛豎

旦上

鏡臺紅

淚雨送江左叅軍洛陽才子

衆合

遶屏山舊路幾

許驩娛少年羈旅

老見哭介

李郎真個生別離呵

苦殺老娘也

生

四娘也在此

古女冠子

老

覷得着新狀元為女婿正喜氣門闌

懽聚一盃春酒王孫路看不足怎教去

生

便歸好

生護着家門也

老

深閨淑女何須疑慮便待你

侯封絕塞奇男子咱身是當門女丈夫

合

別離幾

許省可也薄情分付

前腔

生

妻你須索不捲珠簾人在深深處踏着這

老夫人行步

老夫人呵

愧仙郎傍不着門楣住冷

落你鳳將雛

老

李郎早回妾身老年人也

生

瑤池

西母把絳桃深護咱把壽山的岳母向逢天祝愛
海的閨娃窄地呼 合前

前腔 旦人去也知他此恨平分取淚閣着斷雲殘

雨更無言語空相覷老夫人直恁苦看女配夫等

閑離阻咱夫妻覆不着桐花鳳子母空啼桂樹烏

合前

前腔 鮑畫堂前訴定個花無主似人家燕子妻夫

儘商量止不住他鵬程路說得個儒冠誤便去待

何如畱他怎住怕猿聞離別堪腸斷便蟻大功名

也索拚命趨 合前將官上上將程期在灞陵難久

羈快請參軍起行 生拜辭介 老夫人呵

一撮棹你慈闈冷好温存你個鳳女孤 老李郎你

邊關苦好將息你化龍軀 生鮑四娘他娘女伊家

早晚間好看覷 鮑深領取還是你早回車 旦眼見

的拋人去有訴不盡的長亭語 合真去也早和晚

索盼取幾行書 老李郎幾時回來 生多則一年

哭相思尾最苦是筍條兒嬌婿生離拆女娘們苦

也 老悶倒介生日旦下鮑 老夫人休憂他萬里封侯

歸來正好

門楣不久去關西

綠窓嬌女隱愁眉

流淚眼隨流淚水

斷腸人折斷腸枝

第二十五齣

旦浣上

金瓏璫春纈餘幾許綉征衫親付與男兒河橋外

香車駐看紫騮開道路擁頭踏鳴笳芳樹都不是

秦簫曲好事近

旦腕枕怯征魂斷雨停雲時節

浣

忍聽御溝殘漏迸一聲淒咽 旦不堪西望卓香

車相看去難說 合何日子規花下覩舊痕啼血

旦浣紗這灞橋是銷魂橋也 衆擁生上

北點絳唇逞軍容出塞榮華這其間有喝不倒的

灞陵橋接着陽關路後擁前呼白忙裡陡的個離

鞍住旌旗日暖散春寒酒濕胡沙淚不乾花裡端

詳人一刻明朝相憶路漫漫左右頭踏停灞陵

橋外待夫人話別也 見介生 出門何意向邊州

旦 夫你匹馬今朝不少畱 生 極目關山何日盡

旦 斷腸絲竹為君愁李郎今日雖然壯行難教

妾不悲怨前面灞陵橋也妾待折柳尊前一寫

陽關之思看酒過來

北寄生草怕奏陽關曲生寒渭水都是江干桃葉

凌波渡汀洲草碧粘雲清這河橋柳色迎風訴折

柳介柳呵纖腰倩作綰人絲可笑他自家飛絮

渾難住生想昨夜歡娛也

前腔倒鳳心無阻交鴛画不如衾窩宛轉春無數

花心歷亂魂難駐陽臺半霎雲何處起來鸞袖欲

分飛問芳卿為誰斷送春歸去有淚珠千點沾

君袖也

前腔這淚呵慢頰垂紅縷嬌啼走碧珠冰壺迸裂

薔薇露闌干碎滴梨花雨珠盤濺濕紅銷霧怕層

波溜折海雲枯這袖呵瀟湘染就斑文筋生只恁

啼得苦也

前腔不語花含悴長顰翠怯舒你春纖亂點檀霞

注明眸謾蹙回波顧長裙皺拂行雲步便千金一

刻待何如想今宵相思有夢歡難做旦夫玉關向

那頭去

前腔路轉橫波處塵飄淚點初你去呵則怕芙蓉

帳額寒凝綠茱萸帶眼圍寬素蕖荷燭影香銷炷
看畫屏山障彩雲圖到大來藤蕪怕作相逢路李
郎你可有甚囑付

前腔

生

和悶將閑度留春伴影居你通心紐扣蕤
蕤束連心腰綵柔柔護驚心的襯褥微微絮分明
殘夢有些兒睡醒時好生收拾疼人處

旦聽這話

想不是輕薄的只是眼下呵

解三醒恨鎖着滿庭花雨愁籠着蘸水烟蕪也不
管鴛鴦隔南浦花枝外影踟躕俺待把釵敲側喚

鸚哥語被疊慵窺素女圖新人故一霎時眼中人
去鏡裡鸞孤

生

俺怎生便去也再看酒

前腔倚片玉生春乍熟受多嬌密寵難疎正寒食
泥香新燕乳行不得話提壺把驕驄繫軟相思樹
鄉淚迴穿九曲珠鎖魂處多則是人歸醉後春老
吟餘

旦

你去教人怎生消遣

前腔俺怎生有聽嬌鶯情緒全不着整花朵工夫
從今後怕愁來無着處聽郎馬盼音書想駐春樓
畔花無主落照關西妾有夫河橋路見了些無情

畫舸有恨香車

生

妻則怕塞上風沙老却人也

前腔比王粲從軍朔土似小喬初嫁東吳正才子

佳人無限趣怎棄擲在長途三春別恨調琴語一

片年光攬鏡嗟心期負問歸來朱顏認否旅髮何

如

旦

李郎以君才貌名聲人家景慕願結婚媾固

亦衆矣離思縈懷歸期未卜官身轉徙或就佳

姻盟約之言恐成虛語然妾有短願欲輒指陳

未委君心復能聽否

生驚怪介

有何罪過忽發

此辭試說所言必當敬奉

旦

妾年始十八君才

二十有二逮君壯室之秋猶有八歲一生懽愛

願畢此期然後妙選高門以求秦晉亦未為晚

妾便捨棄人事剪髮披緇風昔之願於此足矣

前腔是水沈香燒得前生斷續燈花喜知他後夜

有無記一對兒守教三十許盟和誓看成虛李郎

他絲鞭陌上多奇女你紅粉樓中一念奴關心事

省可的翠銷封淚錦字挑思

生作涕介

皎日之誓

死生以之與卿偕老猶恐未愜素志豈敢輒有

前二三固請不疑端居相待

前腔 咱夫人城傾城怎遇便到女王國傾國也難

模拜辭你個畫眉京兆府那花沒艷酒無娛怎饒

他真珠掌上能歌舞忘不了你小玉窻前自嘆吁

傷情處看了你暈輕眉翠香冷唇朱 韋崔上

生查子 才子跨征鞍思婦愁紅玉芳草送鶯啼落

花催馬足早聞得李君虞起行到日午還在紅亭

儻憊也 見介崔 李君虞軍中籛鼓喧嗔良時吉

日早行早行 生 實不相瞞小玉姐話長使人難

別 韋 昔人云仗劍對尊酒耻為離別顏李君虞

男兒意氣一何畱戀如此郡主俺兩人還送君

虞數程回來便有平安寄上軍行有程未可滯

他行色正是長旗掀落日短劍割離情 下內作

蕭鼓介生 妻你聽笳鼓喧鳴催我行色匆匆密

意非言所盡只索拜別也

鷓鴣天 掩殘啼回送你上七香車守着夢裡夫妻

碧玉居 且 李郎不索回送但願你封侯遊畫錦不

妨我啼鳥落花初 衆擁生下且 他千騎擁萬人扶

富貴英雄美丈夫 澆紗送語參軍教他關河到處

休離劍驛路逢人數寄書

一別人如隔彩雲

斷腸回首泣夫君

玉關此去三千里

要寄音書那得聞

第二十六齣

衆上

金錢花渭城今雨清塵清塵輪臺古月黃雲黃雲
催花羯鼓去從軍枕頭上別情人刀頭上做功臣

列位請了俺看參軍夫人離別好不疼人也一

點紅旛參軍早上

生上

滿庭芳路糝長楊魂銷折柳画橋水樹陰勻玉堂

年少何事拂征塵爲問綠窓紅淚芳尊冷袍袖香
分畱不得灞陵高處猶自帝城春城頭日出使車
來古戍花深馬埒開忽聽鳴笳兼畫角聲聲思
入古輪臺恨殺陌頭楊柳色縮定青衫留不得
思婦空啼渭水南征夫早向交河北昨去香闈
灞橋折柳非不縈我心曲其奈畏彼簡書只得
收淚長辭麾軍上路左右起行

朝元歌

衆

風氲馬塵曉色籠驂鞞河濱彩輪綠水

隨流軫黑隊奔蛇文旗画隼電轉星流一瞬疊鼓

揚鉦南庭朔方知遠近草色伴王程皇華勞使臣

合遊韁帶繫早趁封侯鵲印

前腔 生回首長安日近東方送使君南陌恨閨人

雪嶺燕支陽臺翠粉去住此情難問短劍防身胡

沙彫顏吹旅鬢蕩子去從軍恩榮變苦辛 合前衆

稟爺前西隴頭水一支入漢一支入胡 生這分

流水是斷腸流也隴上題梅杳無便使咱口占

一首綠楊着水草如烟舊是胡兒飲馬泉幾處

吹笳明月夜何人倚劍白雲天從來凍合關山

道今日分流漢使前莫遣行人照容鬢恐驚蕉

悴入新年

前腔 衆隴上謾尋芳信顧恩不顧身還自想羅裙

古戍笳鳴關山笛引也不管梅花落盡立馬逡巡

流水聲中無定準飲馬斷腸津思鄉淚滿巾 合前

鎮西軍鼓吹上

鎮西府官校迎接參軍

前腔 衆落日長城隱隱星芒拂陣雲月羽照花門

谷口旗廻峰亭樹引轉過西河上郡氣色河源天

街旄頭猶未鄖長笑立功勳邊城麴米春 合前

紫閣山月中月也身過黃堆峰上雲

年髮拚從書劍老也戎衣今作李將軍天

第二十七齣

且上

月兒高嫌單愛偶迭的腰肢瘦離愁動頭正是愁
時候首夏如秋這冷落誰生受君知否池塘綠皺
雙鴛鎮並頭卜算子花月湊新懽弄雨晴初愜夫
婿不風流取次看承妾去去怎回頭路轉屏風
摺一點在眉心懶蘸花黃帖浣紗相公去了幾
日也浣好幾日了且崔韋二秀才說李郎出境

回音還不見來想起當初呵

銷金帳花燈會偶驀地情拋受短金釵斜髻溜姻
緣那般輻輳那般圓就不枉了一對靈心兒聚頭
翠淺紅深揉定花間手看他取次取次兒偎融個
透浣背唱

前腔他雲嬌雨弱倚定個陽臺岫唱陽關春事休
看他那般迤逗那般儻惚逞纖腰暮雨暮雨河橋
折柳帶結同心翠濕了啼痕袖少不得一聲去也
去也摧攢的勾且浣紗咱夜夢見也

前腔 心情宛舊遠定咱身前後咱低聲問還去否
問他這般不湊那般不抖低介便待窓前窓前推

枕兒索就呀回首空床斜月疎鐘後猛跳起人兒
不見不見枕根底扣浣小姐且向相公書房中閒

走散心 行介

前腔 且綠窻塵覆硯中琉璃漚浣怎生秋鴻遺下

這文房四寶哩 且行箱內他自有瑣窻兒都是

嫩苔也看他那邊鋪皺這邊縈繡不信蒼苔蒼

苔比情較厚浣紗想有人來也低榻影明窓曾和

他書齋後浣有人來且作慌介 猛抬頭聽窓外窓

外啼鶯一晝浣紗書窓外半枝青梅好摘下也虛

避介 韋崔上

前腔 長安盡頭送別個儒林秀怕斷腸人倚樓兩

個一時權湊一時愁就則為個些個些兒香温膩

柔呀門兒裏可是小玉姐走閃也見客人來襪剗

金釵溜和羞走也走也撚青梅做嗅且浣紗來的

韋崔二先生問他送李郎何處有甚回言

前腔 知他去後個底思量否長相見還怕舊禁約

真個開頭真個丟手便送了他幾個長亭出秦關
訴休有的情詞寄上俺粧臺右這幾日孤單單教
人快瘦

風入松

韋崔

浣紗你聽俺道來俺送他一鞭行色

照河洲伴皇華兩三宿見他向彩雲斷處頻回首
青衫上閣淚偷流拜上郡主待寫萬金書別來未
久囑付你千金體免離憂

浣

還有甚話

崔

秋鴻叫

你個浣紗姐不要胡行亂走

浣

啐帶脚的不飛

勾了

旦歎介

原來李郎回音叫俺將息俺霍府

偌大家門李郎去了他可有甚房分在這長安
前央他一個來看守家門到好你請韋崔二先生
外坐俺這裡問他

浣請韋崔外坐介韋崔

郡主

欲問何事

旦

李郎去住匆匆妾身未得細詢家

世二位交遊既久知他更有何人

崔

郡主敢是

怕十郎有前夫人麼

前腔他從來鰥處比日不曾瞅

旦

不爲此問他身

傍帶有甚麼人

崔

只有秋鴻小廝問前魚何處

有

旦

不爲此問他骨肉有何人

韋

他身星照定無

骨肉儘四海為家浪遊且也可憐他少年才子恁

的孤窮崔也是他奇遇看藍橋遇仙是有平白

地顯風流且自云原來如此且住俺家也無以次

人丁便要訪問李郎消息也沒個人前日李郎

說他與二人至厚兼他客中貧窘咱家少甚麼

來不如因而濟之以收其用浣紗請二位秀才

聽俺道來

前腔鳳拋凰去孤冷了鵲巢鳩既無眷屬二位先

生便是嫡親相看也緩急要個鵲鳩兒答救崔

二生客中貧忙怕沒工夫看管且這個不妨衣

食新芻咱家支分尋常金幣不着你求咱家私

要的是有毛詩云丈夫之友將雜佩以贈之雜佩

因何贈投望看承報瓊玖韋既承委托凡有所聞

托崔兄轉聞崔使得韋

前腔你凝粧穩坐在鳳簾樓有甚事教浣紗姐傳

示便了崔付青雀傳言他即潘俺二人不便頻

來怕外觀不雅往來稠專打聽遠信邊州韋是

則是弟兄朋友閨門裏要你自持籌浣紗姐拜上

紫金山
限郡主咱二人去也

尾聲生涯牢落長安走向朱門領取閒愁這女子

賢哉女俠叢中他可也出的手下浣兩個窮酸

貼他怎的

只因夫婿遠叅軍 急難之中也要人

正是禮從人意起 何須財出嗇家門

第二十八齣

淨吐番將上

點絳唇生長番家天西一架撐犁大家世零逋番
帳裡收千馬塞外陰風捲白蘆金衣瑟瑟氣豪粗

邏娑一望無邊際殺氣飄番小拂廬咱家吐番
大將是也吐番熟路穿心七千餘里生羌殺手
二十萬人橫行崑崙嶺西片片雪花吹鐵甲直
透赤濱河北雄雄星宿立鑕刀休在話下所有
小河西大河西二國原屬咱吐番部下近日唐
憲宗皇帝中興與俺相爭要彼臣服那大河西
出葡萄酒小河西出五色鎮心瓜正用搔擾時
節不免喚集把都們號令一會衆上

水底魚白雁黃花塵飛黑海涯番家兒十歲能騎

馬鳴笳皮帽兒夥着黑神鴉風聲大撞的個行家

鐵里溫都答喇

見介淨

俺國年年收取大河西國

葡萄酒小河西國進五色鎮心瓜如今正是時

候點起部落們去搶他一番

衆應介

清江引皮囊氈帳不着家四面天圍野漢兒防甚

秋塞草偏肥夏一弄兒把都們齊上馬

作嗅香介

前腔葡萄酒熟了香打辣凹鼻子寒毛乍醉了咬

西瓜剗起雪山花趲行程番鼓兒好一會價打

初夏草生齊

番家馬正肥

射飛清海上

傳箭玉關西

第二十九齣

劉上

一枝花牙旗翻翠葆彈壓燕支道轅門金甲偃閒

吟眺玄鬢初驚坐聽新蟬噪大樹將軍老柳色槐

陰偏稱羽扇綸巾清嘯臨江仙河漢千年鳳舞烟

沙萬里龍荒封侯只愛酒泉鄉關山瞻漢月戈

劍宿胡霜○紫塞夜搖風角薇垣曉動星芒翾

翾書記舊河梁幕中邀謝鑒麾下得周郎自家

劉公濟是也承天子命拜朔方河西二道節鎮

近移軍玉門關外奏准聖旨親點狀元李益參
軍乃吾故人也報說今日到任已分付各邊城
旌旗號令精整一番堂候官備酒 內鼓吹介

滿江紅

生衆擁上

寶馬嘶雲青絲鞚籠鞭袖裏河

橋聽鳴笳疊鼓暮山欲噪玉帳門前歌吹動戍樓

嶺上紅旛遶

衆

風烟河畔引王孫青青草

見介詞

場第一名

生

軍事得參卿

劉

客冠三台坐

生

人

依萬里城

劉笑介

李君虞今日劉公濟可是喜

也左右看酒

堂候

日永篆香宜畫軸風清綉幙

好投壺酒到

梁州序

劉

玉堂年少日華天表共仰雍容廊廟何

緣關塞逢迎仙旆飄搖似你三千禮樂十萬甲兵

百二山河小自來帷幄裡夢賢豪萬里雲霄一羽

毛

合

清和候烟塵道展營門細柳平安報軍中宴

鎮懽笑

前腔

生

非熊奇貌卧龍風調綠鬢朱顏榮耀長城

萬里君侯坐擁幢旄快覩軍容出塞將禮登壇冠

世英雄表金湯生氣象迴銅標圖画在麒麟第一

高

合前劉

參軍到此卽有軍中一大事請教玉關
之外有小河西大河西二國自漢武皇開西域
四郡隔斷匈奴這兩國年年貢獻大漢大河西
獻葡萄酒送在酒泉郡賜宴小河西獻五色鎮
心瓜送在北瓜州犒賞到大唐初年舊規不改
近自吐番挾制貢獻全疎意欲與兵相煩草奏
生容下官措思

前腔

劉

碧油幢燕雀風高金字旗龍蛇雲遶聽單
于吹徹平安烽早深感主恩鄭重軍令分明你筆

陣狼烟掃試揮毫倚馬西飛插羽翹

合前生

老節

鎮在上河西貢獻不至興兵主見不錯但是四
五月間晴雨不常天氣未便下官叨以筆墨從
事願草咫尺之書先寒二國之膽更容下官分
兵戍守回中受降城外綴吐番之路使他不敢
空國而西則酒泉不竭于唐甘瓜復延于漢矣
劉參軍高見此乃王粲登樓之才李白嚇蠻之
計也左右取大觥進酒

前腔

生

染宮袍來附金貂總戎陣未妨魚鳥拚花

邊簇馬風前欵帽憶西清別騎東府君侯不信邊
頭好侍雄豪書劔從軍敢告勞

合前衆上 整頓舞 衣雲出塞動搖歌扇月臨邊

衆旦樂介

節節高金花貼鼓腰一聲敲紅牙歌板齊來到龜

茲樂于闐操花門笑怕人間譜換伊梁調甘州入

破橫雲叫

合

酒洒西風茜征袍軍中且唱從軍樂

前腔

衆旦舞介

裁停碧玉簫陣花飄河西錦帶翻

翻耀風前掉掌上嬌盤中俏胭脂山下人年少紅

瓊隊裏華燈照

合前

尾聲聽鳴笳芳樹篇篇好小梁州宴罷人長嘯單

則是玉門關外老班超

軍中高宴夜堂開

城上烏驚探馬來

火照墨花飛草檄

衆傳君負佐王才

劉弔場

叫中軍官明早到叅軍府領下檄文二

道矯詔宣諭大小河西責其貢獻不服之時興

兵未遲正是鞍馬不教生髀肉檄書端可愈頭

風下

第三十齣

大河西回回粉面大鼻鬚鬚上

粉蝶兒撒采天西泥八喇相連葛刺咱占定失蠻
田地馬辣酥拌飲食人兒肥美花葢布纏匝胸臍
骨碌碌眼凹兒滴不出胡桐半淚自家大河西國
王是也天時葡萄正熟東風起釀酒貢獻吐番
今又聞得大唐天子起兵把定玉門關要咱國
伏降咱國無定先到者爲大咱便釀下葡萄酒
看大唐吐番誰先到也 番卒上 報報報大唐使

臣到

內呼介

使臣到大唐皇帝詔諭大河西王

跪聽宣讀昔漢西域說開葡萄歸漢今遣劉節

鎮李叅軍鎮定大河西可從節制不服者興兵

誅之叩頭謝恩

番王起介

請大唐使臣吃馬桐

宴

內應介

卽往小河西不可久停請了

番王俺

國降唐也自古河西稱大國從今北斗向中華
下小河西回回青面大鼻鬍鬚上

新水令火州西撒馬兒田地大狻猊降伏了覆着
瓊旃兒做坐席恰咬了些達郎古賓密澡了些火
敦惱兒水鑛鐵刀活伶俐燒下些大尾子羊好不
攔人的鼻自家小河西國王是也先年臣伏大唐

近來貢奉吐番到瓜熟時吐番便來蹂踐一番
若再來擾到不如降了大唐也 內呼介 詔使到

大唐皇帝詔諭小河西王跪聽宣讀皇帝念小
河西絕遠今遣劉節鎮李參軍撫之逆者興兵

誅討叩頭謝恩 番王起介 請大唐使臣吃了燒

羊尾巴去 內應介 使臣便往回中受降城斷絕

吐番西路不得遲留請了 番王 咱降唐罷正是

詔從天上下嚇殺小河西 下

一枝花

吐番將黑臉領衆上 當風白蘭路避暑黃

楊渡槍槩兒剔透在三門豎閃閃風沙陣脚紅旗

布打一聲力骨碌俺帽結朝霞袍穿璠魯劍彈金

縷天西靠着悶摩黎回鶻龜茲拜舞齊只有河西

雙鷄子西風吹去向南飛自家吐番大將起了

部落搔擾大小河西好景致也 行路打圍介

端正好旗面日頭黃馬首雲頭綠草棲迷遮不斷

長途大打圍領着番土魯繞札定黃花谷

滾綉毬風吹的草葉低甚時節青疎疎柳上絲聽

的咿呀呀雁行鴉侶吱晰晰野雉山狐急張拘勾

的捧頭獐赤溜出律的決口兎戰篤速驚起些宰
格落的豪豬咕叭喇喝番了黑林郎雕虎急迸咯
哪的順邊風幾捧攔腰鼓濕漚颯喇的是染塞草
雙鷗濺血圖錦袖上模糊呀到大河西了問葡萄
酒熟麼 內應介 大唐使臣到此俺國降唐了 番
將怒云 呀大河西降了唐也

倘秀才呆不鄧的大河西受了那家們制伏滿地
上綻葡萄亂熟醞就了打辣酥兒香碧綠你獻了
呵三盃和萬事降唐呵也依樣画葫蘆罵你個醉

無徒把都們且搶殺他一番 作走殺介 呀前面小

河西了問他鎮心瓜熟麼 內應介 大唐使臣到
此已降唐了 番將怒介 呀小河西又降了唐也

倘秀才些娘大的小河西生性兒撇古東瓜大的
小西瓜瓢紅子烏刺蜜樣香甜冰雪髓小河西你
獻咱瓜呵省可了咱心煩暑不獻呵瓜分你國土
敢待何如 內 大唐分兵去截你歸路了你國敢怕

唐朝也 番將 說大唐麼

尾聲暫回去放你一線降唐路咱則怕大唐家做

紫釵記
不徹拔刀相助咱不道決撒了呵有日和你打幾
陣戰河西得勝鼓

番家射獵氣雄粗
去向河西嘴骨都
似倚南朝做郎主
可知西域怕匈奴

紫釵記

上終

紫釵記

下

第三十一齣

劉上

西地錦西地涼州無暑有中天冰雪樓居一時勝
事誇河朔看他小飲如無一落索畫戟垂楊吹幕
府臺館新成燕雀窺簷語珠簾暮涼州唱徹人
無暑叅佐風流時一聚閒學如才鸚鵡雨洗燕
支路且須高宴凝歌舞俺劉公濟鎮守關西李
君虞叅吾軍事可謂翩翩記室且喜征塵路淨

避暑筵開近報得河西納款早則喜也內作樂
介生上

番卜算六月罷西征燕幙風微度雅歌金管按投

壺將軍多禮數

相見介劉避暑新成百尺臺生軍

中高宴管絃催劉知君不少登樓賦生正爾初

逢袁紹杯劉參軍俺二人以八拜之交同三軍

之事西事匆匆未遑高宴今茲天氣炎暑小飲

涼臺左右看酒堂候上臺高欲下陰山雪晝永

堪銷沉水香酒到

惜奴嬌

劉萬里長驅喜軍中高宴正屬吾徒邊塵

靜日永放衙休務正午槐展油幢苔臥沈槍花催

羯鼓難度六月裡染征雲怎不向吹臺歌呼

前腔

生男兒坐擁銅符喜綉旗風偃畫檠雲舒涼

州路日遠炎蒸不住正爾羽扇綸巾據床清嘯圍

碁賭墅凝佇看燕寢恁幽香時裊碧窓烟霧

卒棒

酒甕上水色清浮竹葉霧華香沁葡萄葡萄稟老爺

酒泉郡獻大河西國葡萄酒劉此酒參軍之功

也堂候行酒

鬪寶蟾香浮頓遜醍醐鎮葡萄亂潰鴨頭新綠也
索向酒泉移封把涼州換取生清醕想一年風色
阻千日凍花敷暈珍珠醉盡酸甜留下水晶天乳
卒捧瓜上北斗高如南斗西瓜大似東瓜稟老
爺瓜州獻小河西國鎮心瓜劉此亦參軍之功
也堂候進瓜

前腔清虛冰井沈餘等半輪青破一襟涼貯鎮紫
瓢浮動素津流注生冰筋甘垂承掌露寒濺泣盤
珠沁肌膚迸玉綻紅跳顯出個人風度劉好上望

京樓一望也生望京有甚好處

錦衣香

劉

關樹鋪濃陰護水萍紆微風度飛樓外

望京何處

生

怕乘鸞烟去鳳臺孤邊聲似楚雲影

畱吳據胡床三弄影扶疎嘯欹樓柱聽胡笳悲切
訴似訴年光流欲去正遶鵲休枝驚蟬墜露

漿水令

合

家何在畫屏烟樹人一天關山夢餘砑

光盃影醉蟾蜍便待敲殘玉唾擊碎珊瑚心未愜
鬢先素慢尋河影斷長安路樽俎內樽俎內風雲
才聚旗門外旗門外河漢星疎

尾聲

劉

參軍呵和咱沈李浮瓜興不俗你要受降

城也早則秋風別哨關南路則怕你要喻檄還

朝賦子虛

生

下官感公侯知遇口占一詩

劉笑介

請教 生吟介

日日醉涼州

笙歌卒未休

感恩知有地

不上望京樓

第三十二齣

盧上

夜行船 一品當朝橫玉帶嫵連外戚勢遊中貴世

事推呆人情起賽可嗔那書生無賴兵權掌握勢

為尊奉詔移軍鎮孟門獨倚文章傲朝貴賈生

空遇聖明君自家盧太尉三年前因李益恃才

氣高計遣參軍西塞聽見李生有詩獻劉鎮帥

感恩知有地不上望京樓即當奏知怨望朝廷

只是一件咱方奉命把守河陽孟門山外召回

劉節鎮暫掌殿前諸軍咱將計就計今早奏准

聖人加李君虞秘書郎改參孟門軍事不必過

家看他到咱軍中情意如何招他為壻如再不

從奏他怨望未晚已遣人請他朋友京兆人韋

夏卿商量早來也

韋壯

薄倖暑色初分秋聲一派看長安馳道秋風冠蓋
天涯有客幾時能會俺消停處見畫梁朱門橋外
好叅謁中朝太尉

見介盧

好客勞西笑

韋

人雄鎮

北軍

盧

折簡求三益

韋

旌旄謁使君

盧

韋先生

你是李君虞好友俺今移鎮孟門奏改他叅吾

軍事可好麼

韋

李君虞三年在邊資當內轉今

又叅卿軍事恐非文人所堪

盧

他有詩劉鎮帥

怨望朝廷又何必強他入朝咱招賢館勝如望

京樓也

鑼鼓令他朝中文章後輩曾喜他相見只尋常到
來知他性兒那些魑魅韋都是些少年情態怎知
的千金賦今人不買枉了筆生災題鸚鵡教誰喝
采盧咱無文的太尉何禁怪只可惜賈長沙干死
了洛陽才合他鄉歲月遠水樓臺今朝領旨知他
便回相逢到此好佳懷秋江寂寞也自放花開
前腔盧當初也浪猜咱移軍把着孟門去來叅軍
事請他優待韋文章士自有廟堂除拜作叅軍知

幾載盧孟門喜非邊塞也韋便做道非邊塞曾如

站立在白玉階盧咱軍容將禮好不雄哉早難道

古來書記都不是翰林才合前既將軍厚待李

君虞自有國士之報小生告行

餘文為交情一笑來盧須知吾意亦憐才韋先生

休道俺少禮數的將軍做不的招賢宰韋下盧弔

來場可笑可笑韋生豈知俺計也候旨官兒怎的

不見到來韋候上微聞禁漏穿花遠獨詔邊機

出殿遲稟爺聖旨已下李益以秘書郎改參孟

門軍事即日離鎮不許過家盧笑介書記在吾

筭中矣分付諸軍起行

孟門關外擁羆貅 打鳳撈龍意不休

但得他來府門下 那時誰敢不低頭

第三十三齣旦同浣上

念奴嬌序 梧桐乍雨正碧天秋色霧華烟暝浴罷

晚粧凝望立簾漾玉鉤風定浣別院吹笙高樓掩

鏡泛灩銀河影合幽期無限佩環聲裡人靜臨江

仙旦炎光初洗輕塵雨飛星寄恨迢迢浣金風

玉露翠華搖暫停
鮫泣翠相看鵲填橋且占得

歡娛今夜好一年幽恨平消流綵樓人語暗香

飄合不知誰得巧空度可憐宵且浣紗今當七

月七夕織女渡河香燭瓜果已備樓中去請老

夫人鮑四娘同會綵筵可早到也老且上

似娘兒閨閣露華零感佳期愁絕惺惺聽機中織

女啼紅迸望牽郎河漢烏飛涼夜鬢染秋星見請

俺怎的且母親萬福今逢巧夕母親同鮑四娘

消遣一回老鮑四娘可待來麼鮑上

遶地遊綵樓清迴燭閃紅粧靚笑年年乞巧誰賸

見介鄭夫人郡主萬福今夕香燭果筵莫非穿

鍼故事乎老咱老人家乞巧何用正為兒女相

邀四娘同此鮑從來乞巧凡有私願只許在心

不許出口但看蟾子縈盤便是人間巧到老夫

人你我心中暗祝同拜雙星便了拜介烏鵲橋

成上界通千秋靈會此宵同綵盤花閣無窮意

只在遊絲一縷中老此夕真佳景也

念奴嬌人間天上數佳期新近秋容太液波澄院

宇黃昏河正上幾看清淺閒庭輝映雲母屏開水
晶簾捲月微風細淡烟景合同看取千門影裡誰
似雙星

前腔

且

河影層波夜炯怕空蒙霧染機絲翠花寒

凝一水仙郎遙望處脉脉此情誰證侯幸喜極慵

粧歡來罷織倚星眸曾傍暗河行

合前

前腔

鮑

還倩那些縹緲銀鸞參差烏鵲斷虹低處

翠橋成清佩隱似濕雲含雨流聲清興按戶斜窺

凌波微步一天秋色今宵勝

合前

前腔

浣

端正步障停雲眉梁瀉月一年情向此中

傾清虛處微茫香霧盈盈私聽百子池邊長生殿

上

內作笑介

便風中微雨笑分明

合前

古輪臺

老

夜雲輕秋光銀燭畫圍屏水沉細縷香

生鼎

鮑

綵樓低映問誰許宵征鈿合金釵私慶似

恁幽歡十分清把人間私願一時并

且

商量不定

暗風吹羅帶輕縈柔情似水佳期如夢碧天瑩淨

河漢已三更

浣

良宵耿算此時誰在迴廊影

前腔

鮑

含情若是長久似深盟又豈在暮暮朝朝

歡娛長並

且悲介

玉漏無聲恨浥西風不盡忍顧

河西人遠斷河難倩重歸向舊鴛機上拂流螢殘

綵再整

合

想牽郎還望俦停鮫鮓幾尺淚花猶瑩

臨河私贈時有墮釵橫便道是天河永他年年風

浪幾時生

意不盡明朝烏鵲到人間境試說向青樓薄倖你

可也卧看牽牛織女星

阿母天孫恨幾端

九微燈影佇青鸞

難尋仙客乘槎路

且伴佳人乞巧盤

第三十四齣

衆邊將上

北點絳唇紫塞飛霜平沙月上旌旗晃劔戟排墻

擁定銅符帳一聲參佐發蘭州萬火屯雲映綠油

邊舖恐巡旗盡換山城欲過館重修咱們是朔

方劉節鎮部下因李參軍分兵回樂峰受降城

斷截吐蕃西路今夜巡塞各城堡守瞭軍人嚴

緊伺候衆應介衆鼓吹燈籠擁生上

金瓏璫萬里逐龍荒擁弓刀千騎成行刀斗韻悠

揚画角聲悲壯錦盤花袍袖生涼纔起點報星霜

邊霜昨夜墮關榆吹角當城片月孤無限塞鴻
飛不度秋風吹入小單于自家本用文墨起家
翻以弓刀出塞既有三軍之事豈無一夕之勞
分付將官軍士用心巡守衆應介生將帳門捲
上一望塞外風烟

一江風碧油幢捲上牙門帳步上嚴城壯漢旌旗
數點燈前掩映紗籠絳遠望火光可是胡兒夜獵
也衆非關獵火光又是平安報久常玉門關守
定這封侯相回樂峰前了

前腔

生

那邊廂淡素鋪平敞堆積的凄寒狀敢是

下雪也衆

是沙也是氤氳幾塚平沙似雪紛彌

望瑤池在瀚海傍又

衆

梁園在古戰場築沙堤等

不得沙河將是受降城也

前腔

生

冷清光氣色霏微漾暈影兒朦朧晃敢是

霜也衆

是月亮

生

步寒宮認得分明不道昏黃

相衣痕上辨曉霜又

衆

是嫦娥在女牆照愁人白

髮三千丈俺坐一會也

前腔據胡床沙月浮清況

內吹笛介

猛聽的音嘹

亮衆何處吹笛也這次的是關山月也是思歸引

也 衆作回頭望鄉介指云 那不是俺家鄉洛陽

那不是我家鄉長安那不是他家鄉隴頭
生亦

作望鄉掩泣衆被關山橫笛驚吹一夜征人望

家山在那方又離情到此傷斷腸聲淚譜在羅衫

上王哨上龍吟塞笛空橫淚雁足吳箋好寄書稟

參軍爺小卒是京師盧太尉府中王哨兒便是

因來劉節度軍中採取軍情回京可有平安書

寄生正好相煩情書不盡暫將屏風數摺對此

清光畫出邊城夜景見咱淒涼也秋鴻取畫筆

丹青聽用鴻上王會圖中開粉本陽關曲裡寄

丹青紙屏風蛾墨在此生做画介

三仙橋陽關落照儘斷烟衰草河流一線那更鴻

縹緲邊城上着幾點漢旌搖盼胡天恁遙呀俺提

起潤生綃拂拭些情淚落還倚着路敷分斜隨着

素毫展風沙蘸的個墨花淡了屏風呵一遞遞短

長城做不出疊巫山清曉待畫這沙似雪月如霜

前腔却怎生似雪樣偎沙迴杳一抹兒峰前回樂

則道是拂不去受降城上清霜看則是永夜征人
沙和月長恁照也影飄飄碧濛濛把關河罩幕寒
生夜悄四下裡極目暗魂銷清寒似寂寥這幾筆
兒輕勾淡繞撇綽的暮光浮隱映的朦朧曉屏風
呵恁路數兒是分明可引的夢沙場人到待画
着征人聞笛望鄉也

前腔 一笛關山韻高偏起着月明風裊把一夜征
人故鄉心暗叫齊回首鄉淚閣並城堞兒相偎靠
望眼兒直恁喬想故園楊柳正西風搖落便做洗

邊城霜天乍曉也星似嘹雲飄衝入遍梁州未了
屏風呵比似俺吹徹梅花怎遞送的倚樓人知
道畫完題詩一絕回樂峰前沙似雪受降城外月
如霜不知何處吹蘆管一夜征人盡望鄉詩已
題下王哨兒寄去也哨自有回報

尾聲做不得李將軍畫漢宮春曉俺這裡捲不去
的雪月霜沙映白描趁着這一天鴻雁秋生早哨

下走報人上烏鵲南飛終是喜馬首西來知爲

誰自家長安門走報的便是來報李參軍轉官

不免徑入見介恭喜老爺新奉聖旨加秘書省

清銜改叅盧太尉孟門軍事即日啟程生何因

有此先賞報人去便寫書謝了劉節鎮起程報

節鎮劉爺也欽取還朝總管殿前諸軍事生呵

原來如此

西塞東歸總戰塵 畫屏風裏獨沾巾

閨中只是空相憶 若見沙場愁殺人

第三十五齣 衆擁劉節鎮上

寶鼎兒 旗門占氣色 鳳尾雲飄旄 頭宿落匣劍老

轆轤綉澁邊烽冷 兜笈臥共仰清時 畱節鎮萬

里關河紫邏合正簫鼓鳴秋牙 幢清晝貂蟬遶座

獨攜堂印坐西州 一劍霜飛雁影秋 却笑班超

容易老焉知李廣不封侯 自家劉公濟鎮守玉

門關外推轂幾年拓地 千里落日已收番帳盡

長河流入漢家清 昨奉聖旨着下官還朝總管

殿前諸軍事 李君虞加秘書郎 改叅盧太尉孟

門軍早晚叅軍書到也 卒持書上雲沈老上飛

鴻去日落回中探馬還 叩頭介叅軍爺有書 劉

笑念書介叅軍李益頓首劉節鎮開府麾下愚
生書劔西征拜瞻台座三載于茲恩禮兼至袁
本初書記時有優渥之言王仲宣從軍不無思
鄉之感意難遙別道阻回長所深幸者君侯膺
歸袞之期賤子附遷鶯之役風期未遠存問非
遙虎變龍蒸風雲自愛不宣益再頓首呀李君
虞早向孟門去也下官既受君命不俟駕行堂
候官請征西大將軍金印出來交與副將軍權
領卽日起行副將領衆上關西諸將謁容光曾

入甘泉侍武皇今日路傍誰不羨功業汾陽異
姓王恭賀老爺還朝劉老夫有何功績得此皇
宣

啄木兒心雖赤鬢欲皤意氣當年漢伏波念少游
歸興如何相憐我得遂婆娑舉手介忝元戎多暇
勞叅佐甚西風別去情無那淚介吹起袍花淚點

多衆老爺呵

前腔你倚天劍迴日戈一卷陰符萬揣摩洗兵風
坐挽銀河北陵烟漢將功多跪拜詔東歸少不的

齊聲賀

衆淚介

這懽聲有淚向悲笳墮再不見尊

俎投壺聽雅歌

劉

就此別了

衆

願攀留信宿而行

盡邊關父老降附蕃戎之意

劉

京營務重不敢

稽延俺所佩平西大將軍金印權交副將軍收

掌好珍重也

交印介

三段子

劉

黃金斗大肘間懸龜紋綬花權時未挂

臥內前床兒護他有如姬要不的他閒偷把朱司

農用不着那橫文打怕漏使模行軍機怎耍

將敢

問老爺軍機那一件最大

劉

漢置四郡斷匈奴

入羌之路今當護羌使吐番不得連和陽關內

外可無事矣

前腔甘涼以下望長安天涯海涯爲甚屯田建牙

斷番戎羌家漢家

將

兵法願一指授

劉

聽老夫八

個字兵法銷兵日久休頽塌生羌歲久防奸詐

八個字奈苦同甘信賞必罰起行諸軍將不許離

信地遠送

內報介

受降城外諸夷長送老爺

劉

不須遠送只一心事唐便了

行介

歸朝歡歸朝去歸朝去萬里胡沙秦川雨杜陵花

關山路關山路画角鳴笳送將歸兩鬢華秋光塞
上人如画黃宣去把團營押看細柳春風大將牙

秦時明月漢時關

綉纛人看上將還

但使龍城飛將在

不教胡馬度陰山

第三十六齣 旦浣上

菊花新舉頭驀見雁行單無語秋空頻倚闌寒花
蘸雨班應將我好景摧殘河滿子露冷蓮房墜粉

霜清竹院餘香偏照画堂秋思朗垂簾半捲瀟
湘幾回斷鴻影裡無言立盡斜陽奴家自別李

郎三秋杳無一字正是叢菊兩開人不至北書

不寄雁無情也 浣早晚佳音不須煩惱

桂枝香 旦水雲天淡弄粧晴晚映清虛倚定屏山

暢好處被閒愁占斷減香温一半減香温一半洞

房清歎影闌珊幾般兒夜色無人玩着甚秋光不

奈看 浣上鳳簫樓望一回也

前腔 旦捲簾無限山明水遠殘霞外烟抹晴川淡

霜容葉橫清漢正關山一點正關山一點遙望處
平沙落雁倚危闌淚來濕臉還誰見愁至知心在

那邊哨持小屏風上

賺塞上飛馳報與朱門人自喜且試聽晚粧慵那

重門深閉知他甚底悶把珠簾輕揭起哨叫介

寂靜堂前數聲兒客至迴廊半倚閒窺覷是誰哨

陽關哨卒來傳示且驚喜介你可曾從事李參軍

俺這裏寒衣未寄哨出屏介怕寄平安書不的小

屏風上傳詩意且這書封幾夜霜華脆雁足寒飛

遶月枝黃花酌酒相勞你浣出酒飲哨介哨且主公

威令難遲滯浣夫人鄭重畱人醉且主公是誰哨

盧太尉且太尉何人哨乃當朝丞相盧杞之弟

穿宮盧中貴老公公之兄第一富貴人家也且

且問你參軍甚時可回哨小的在關西聽的參

軍爺題詩與劉節鎮說不上望京樓了且惱介

哨不須煩惱俺歸到中途聞聖旨別有差除疾

和遲少不得榮歸故里嗜堦前拜酒忙回去下且

三年一字三千里非同容易非同容易

金索挂梧桐寒鴉帶晚暉喜鵲傳新霽遠水凝眸

折盡層波翠開屏風介夫你三年沒紙書難道短

相思屏風呵為甚封了重封出落的呈粧次李郎

你感劉君恩遇不止望京樓呵你只知紅粧夜

宴軍中美可也回首望京樓上覩風塵起千尋落

葉離不的花根裡合知他是何日歸期且接着平

安喜端意可知且展画屏詩句一玩呀原來十郎

手自丹青也 咏詩介 回雁峰前沙似雪受降城

外月如霜不知何處吹蘆管一夜征人盡望鄉

你看幾壘屏山詩中有画画中有詩滿目邊愁

也

前腔沙如雪靄微月似霜華積月杳沙虛冷淡傳

蹤跡俺不曾到萬里短長城這幾疊畫屏兒寫陽

關只少個瀟湘對夫俺這裡平沙瀚海把圍屏指

你那裡落月關山橫笛吹心兒記夢魂中有路透

河西合前浣小姐三年李郎不歸家門漸次零落

也

梧桐花是綺羅叢春富貴儘花月無邊受用美如

今金谷田園誰料理把這舊家門戶空禁持老夫

人一段傷心難寄與合算只有歸來是且道甚家

入資可惜秋光也

前腔你道為甚呵勾引的黃昏淚向蓮葉寒塘秋

照裡偷把胭脂勻注喜這其間芳心泣露許誰知

俺待寫半幅秋光還寄與

合前

意不盡連天衰草砧聲起

流

他還鄉早晚不索寄

寒衣

合

盼得他錦綉團樂真是美

邊月胡沙泣向君

畫屏紅粉漬氤氳

明年若更陽關戍

化作西飛一片雲

第三十七齣

盧上

番卜算秋草塞門烟河上西風偃洛陽才子赴招

賢鼓吹軍中宴一家何止十朱輪兄弟雙飛秉大

鈞獨向河陽征戰淨今朝開閣引詞人自家盧

太尉鎮守孟門關外秦准李君虞叅我軍事報

說今日走馬到任左右營門伺候

生衆上

神仗兒河西路轉

又

赴河陽幕選

又

王哨叩頭叅

軍爺到來前日萬金家報是小軍送上夫人

生

勞你夫人安否

哨

平安只是望爺過家

生

取一

錠花銀賞他哨兒你是咱故人以後太尉爺差

你長安帶書往來也不慢你哨當得當得生報

平安陣前飛雁便玉人無恙怎生排遣只怕這磨

旗門盼不到吹笙院見介盧聞君西域奏詞鋒生

軒天柱山高華東盧鴛鴦好歸仙仗裡生熊羆

還在禁庭中盧參軍洛下一見至今懷仰何幸

得參吾軍看酒堂候上幕府求才子將軍作主

人酒到

瑣寒窻盧倚風塵萬里中原大將登壇尺五天孟

門關外少華峰前遶旌旗萬點河流一線還倚仗

詞鋒八面合難言人生遇合總情緣且須高宴留

連

前腔生筆花梢慣掃狼烟誰待吹噓送上天改河

陽贊佐塞上回旋便相如喻檄終軍乘傳也不似

恁般蓬轉合前盧聞參軍有詩不上望京樓然否

生醉後餘談何勞遠聽淨笑介

前腔你佩恩華意氣成篇不把望長安心事懸君

虞休嫌文官武職看參軍楚楚書記翩翩有賦

河清鮑照登樓王粲總不礙禁庭清選合前盧參

軍可有夫人在家生秀才時已贅霍王府中盧

原來如此古人貴易妻參軍如此人才何不再

結豪門可為進身之路生已有盟言不忍相負

前腔淚花彈袍袖香般數遍秋花人少年盧可有

平安信生下官進轅門時老太尉麾下一人三

年纔傳得一信盧受命在君何戀戀兒女乎生

晚風砧杵夜月刀環正尋常歸燕幾行征雁怎隔

斷關河別怨合前生請罷酒盧軍中一日一宴也

尾聲為憐才子聲光遠生自是將軍禮數寬合指

日呵文武朝班歸漢苑生下盧弔場眾將官查那

一個傳李參軍家信哨是小的盧拿去綁下哨

乞饒介盧且記着許你將功贖罪差你京師慶

賀劉節鎮還朝便到參軍家說他咱府招贅好

反氣死他前妻是你功也哨理會得

八柱擎天起画樓一般才子要低頭

非關鬼蜮含沙影自要蛟龍上釣鈎

第三十八齣鮑上

薄倖翠館雲閒陽臺雨過正夕陽閃淡秋光無那

鏡中略約年華多大君知麼夢不斷梧桐金井雨
偏打閒愁獨坐西江月舊日長裙廣袖如今窄襪
弓鞋朝花冷落暮花開不唱賣花誰買時學養
娘催綉閒陪幼婦題詞春絲盡也絡秋絲心緒
啼痕似此俺鮑四娘數日伴小玉姐消遣聞道
朝廷將取李郎回家竟無消息終日翠減香消
俺因自想青樓時節伴着五陵年少今日獨自
好恹惶也呵

羅江怨無奈這秋光老去何香消翠譌聽秋蛩度

枕沒膽那數秋螢團扇暗消磨也怎生個芭蕉夜
雨閒吟聒燈兒和咱麼影兒和咱麼好一個恹惶
的我王哨兒上去爲撈酒客來作拗花人小軍王

哨兒便是主公盧太尉差往長安霍府行事只
是俺老爺招贅李叅軍要啗死那前位夫人太
尉不將心比心小子待將計就計前日與李爺
寄書那夫人待我不輕正要說知未可造次打
聽得這曲頭有個鮑四娘走動他家且向他一
問見介老娘有漿水吃一碗與行路人鮑客官

何來哨李參軍帳下鮑驚介參軍在那裡哨正

待朝廷取歸被當朝盧太尉奏點孟門關外參

軍去了鮑可就回來哨早哩敢要就了盧太尉

小姐也鮑怎麼說哨敢招贅在盧家了鮑十郎

好薄倖也

香遍滿秀才無賴死去也不着骸越樣風流賽真

個難猜不道將人害是佳人命薄慣了些呆打孩

咱橫枝兒聽着也不分把闌干拍你同俺去他家

說個端詳定不慢你哨使得

前腔

鮑幾分消息輕可的洩漏些帶的個愁來也

怎一個愁字兒了得今番夜倩你教吃敲才好反

將意見團弄他歸來時待扭碎花枝打

尾聲這段情詞真也假哨不假你為咱順西風傳

與小窻紗合只怕斷腸人聽不起這傷情話

秋風遠信雁鴻低 春色天邊鶯燕疑

雪隱鷺鷥飛始見 柳藏鸚鵡語方知

第三十九齣 旦上

望遠行寒鬢寶釵猶挂倚秋窻數點晴花扶頭酒

醒爐香爇墮淚粧殘柳暈斜西風涼似夜來些好

事近簾外雨絲絲淺恨輕愁碎滴玉骨西風添
瘦趁相思無力小蟲機杼隱秋窓黯淡烟紗碧
落盡紅衣池面苦在蓮心菡自從十郎屏風寄
後轉忽經秋欲寄迴文曾無便使好不傷感人
也浣紗這幾日鮑四娘都不見來却爲何的正
是秋風滿院無人見怕到黃昏獨倚門

眼兒媚

鮑上

匆匆消息報君家綉鞋兒陡的未寬

些想他暮雲樓畔悶拈簫管憔悴烟花

見介且幾

日不來隨喜却是因何鮑偶爲貧忙有乖清候
敢問十郎去幾年了且將次三秋鮑如今早則

喜也

且驚介

知他甚喜

鮑

你猜來

紅衲襖

且

莫不是掃南蠻把謫仙才御筆拿莫不

是定西番把洛陽侯金印挂莫不是虎頭牌先寫
着秦關驛駐皇華莫不是鳳尾旗緊跟上他渭河
橋敲駿馬得他個俊叅軍功級多少不得把咱小
縣君封號加可知是喜早些兒傳下也這些時挑
燈衝弄花

前腔鮑則道他顯威風拄倒了崑崙北海涯則道
他凱歌聲喧動了長安西日下則道他覓封侯時
運底有甚巧爭差受皇宣道途中有些閑蹭荅怎
知他做官兒不着家比似你做縣君喬坐衙其間
就裏有話難提也則怕你猜得來愁悶煞且你怎
生又道是喜也

前腔莫不是玉門關拘的俊班超青鬃華莫不是
望鄉臺站的個老蘇卿紅淚洒莫不是他戰酣了
落日摧寒甲莫不是客犯了災星墜漢槎十郎夫

若是你走陰山命不佳俺攥了壞長城哭向他不
然你死丟下了玉鏡臺也恁孤鸞偏照咱

前腔

鮑

你怕他胭脂山血淚花你怕他拂雲堆魂

墜馬他原來斷腸流別賺了個香羅帕磨旗峰轉
添上些紅臂紗他則待要豔湖陽窺宋家你拚了
個錦迴文學竇娥待不信呵有個人兒傳示也慢
消詳尋問咱哨兒上好作事因尋浪子怕將消息

惱山兒夫人叩頭

且

是去歲寄屏風的王哨兒

哨

夫人眼裡出水

鮑

胡說

哨

是是是秋波秋波

旦 太尉爺幾個女兒招了叅軍爺做女婿哨只

是這個小姐十分才貌叅軍爺相隨太尉爺移

鎮孟門郎才女貌四眼相顧因此上商量這門

親事旦就了麼哨敢待就也旦泣 李郎薄倖呵

泣顏回提起淚無涯憶相逢淡月梅花天應錯與

風萍露柳榮華等閒招嫁劣身奇賺上了他虛脾

話便今朝死待何如分薄書生奚落奴家老旦上

無事護窓紗嬌看萼綠華沈香熏小像楊柳伴

啼鴉原來鮑四娘在此這個軍兒何處來為甚

小姐悲啼不止鮑這是前度寄屏的王哨兒報

說李郎議親盧府因此傷心老那個盧府李郎

好不小覷了人家哩

前腔如花俺幾年培養出牡丹芽春風一度有甚

年華幾曾消乏您般時節滿堂如畫做門楣不成

低亞待余生分付青鸞你玉鏡臺又過送了誰家

哨天晚告行旦浣紗張上燈來俺寄一詩去也

浣持燈上旦寫介

榴花泣驚魂蘸影飛恨遶螭蛾咱也曾記舊約點

新霜被冷餘燈臥除夢和他知他們和夢呵也有
時不作這答兒心情你不着些兒個是新人容貌
爭多舊時人嫁你因何老詩可寫就了 作看詩介

藍葉鬱重重藍花石榴色少婦歸少年光華自
相得愛如寒爐火棄若秋風扇山岳起面前相
看不相見春至草亦生誰能無別情殷勤展心
素見新莫忘故遙望孟門山殷勤報君子既為
隨陽雁勿學西流水

么篇你可非烟染筆是那画眉螺蘸的秋痕淚點

層波佩香囊剪燭親封過鮑你端詳待他望夫臺

詩句也則斟量和老便分明說與如何雨雲場幾

大風波

漁家犯且俺為甚懶腰肢似楊柳線欹斜暈眉窩

似紅蕉心窄狹有家法拘當得才子天涯沒朝綱
對付的宰相人家比你插金花招小姐做官人
自古有偏房正榻也索是從大小那些商度做姊
妹大家懽恰

么篇老你則待錦迴文烟冷了窓紗淚封書烘破

了銀蠟是他弄簫臺把雲影重遮指鮑介你個定

昏店把月痕偷掐鮑只怪得定雙飛釵燕插便和

那引同夢的花燈恰知他厭了家雞挑鳳背了鴛

鴛打鴨

撲燈蛾且書生直恁邪見色心兒那把他看不上

早則吞他不下也是風流儒雅沒禁持做出些些

也則索輕憐輕罵說知他咱小膽兒見了士女爭

夫怕

前腔老天教有日逢不道無言罷鮑他當初相見

咱直恁眉梢眼抹也等閑回話費了幾餅香茶又

不是路墻花朵則問他怎生奚落好人家的女嬌

娃哨叩頭作去介且哨兒

意不盡你說與他把身綵闌詩句冷吟哦從今後

悶增多長則是鬼胡由摸不上心頭可

雖言千騎上頭居 一世生離恨有餘

葉下綺窓銀燭冷 含啼自草錦中書

第四十齣生上

幾樹好花閑白晝滿庭芳草易黃昏心隨岳色

留秦地夢逐河聲出禹門自家一從玉關移鎮
參軍孟門聽的盧太尉有招親之意俺這裡只
作不知呀怎忘的我小玉妻也

刮鼓令閒想意中人好腰身似蘭蕙薰長則是香
衾睡懶斜粉面玉纖紅襯和嬌鶯枕上聞乍起向
鏡臺新似無言桃李相看片雲春有韻月無痕難
畫取容態盡天真

前腔無事愛嬌嗔况伊邊少個人當初擬畫屏深
寵又誰知生暗塵他獨自個易黃昏將咱身心想

伊情分則他遠山樓上費精神舊模樣直恁翠眉

顰

王哨上

愁眠客舍衣香滿走渡河橋馬汗新俺

王哨兒奉太尉命去傳播招親之事與李參軍
前妻到替他梢一首詩來此是參軍別館不免
進見 生 是王哨兒從何而來 哨 俺前日爲帶夫
人平安信太尉惱了近遣俺京中慶賀間到霍
府中看看悄的帶有夫人家信也 叩頭送詩上

介生

原來是小玉姐詩也

作念詩介

藍葉鬱重

重藍花石榴色少婦歸少年光華自相得愛如

寒爐火棄若秋風
扇山岳起面前
相看不相見
春至草亦生
誰能無別情
殷勤展心素
見親莫忘故
遙望孟門山
殷勤報君子
既爲隨陽雁
勿學西流水

三換頭
鶯猜燕忖
疊就綵鸞清韻
稱吳牋膩粉啼
紅嬌暮雲雁來成陣
這其間訴不盡
有片影橫秋
雙未穩
一種心頭悶
書中說幾分
合且報平安怎

只把閑愁來帶人
哨兒你敢在夫人前講甚話來

哨沒有生詩意躑蹌哨是是是那日遞家報與

叅軍爺太尉要拷打小的
說俺府裡待招贅叅軍
你敢再傳他家信小的
見夫人依實說了生
好不胡說也

前腔太尉呵他杯中笑言花邊閑論尋常風影你
怎生偏認真無端要人生分夫人呵這其間也索
問個詳因難憑口信一摺詩兒也九迴腸怕損前合
河陽不似舊關西
夜夜城南夢故妻

坐想寒燈挑錦字
紅綿粉絮裛粧啼

第四十一齣
堂候官上

字字雙陞官圖上沒行頭堂候鬚鬚上挂鼻膿頭
惟臭老爺說話耳根頭最厚精銅響鈔尋事頭儘
勾自家太尉府中堂候官便是官雖無一品二品
錢到有九分十分俺太尉爺在京管七十二衛
在外管六十四營每日各衛府營討些分例私
衙買辦刻些等頭說事過錢偷功摸賞從早到
夜爛鐵精銅約有一紗帽回去內可不發迹了
你堂你不知紗帽破了漏去了些遠遠聽得傳
呼太尉爺升帳盧上

一疋布倚君王爲將相勢壓朝綱三台印信都權
掌誰敢居吾上身居太尉勢傾朝有女盧家字莫
愁選得鳳凰飛不偶可堪鴛鴦意難投盧太尉
莊從孟門召取還都仍管太尉府事又賜俺勢刀
銅鍛一副此都城內外着俺巡緝有不如意的
都許先斬後奏單生一女未逢佳婿我一心看
上了李參軍可恨此人性資奇怪一味撇清在
孟門關外年餘都未通說昨日還朝恐他回去
安置他招賢館內分付把門官校不許通其出

入要他慣見俺家威勢自然從允雖然如此還須請他朋友韋夏卿勸他可知來也

寶鼎兒

韋上

太尉勢傾朝堂何事書生相訪

見介

韋

寒儒久別威岩復覩台顏拜揖

盧

秀才暫須

免禮近前有事端詳

韋

老太尉有何分付

盧

瑣窓兒

李叅軍蓋世文章俺家中有淑女正紅妝

夏卿呵你和他好友借重你商量要他坦腹不須

強項夏卿知俺家威勢否俺撈龍打鳳由他撞怎

脫得這羅網

韋背介

原來太尉要招贅李君虞怕

不孤了那小玉姐一段心事俺且告稟他知

前腔論攀高貴婿非常有一言須代稟試叅詳他

有了頭妻小玉盟誓無雙怕做不得負心喬樣

盧

笑噴介

說甚麼小玉便大玉要粉碎他不難

韋

背介

李郎這太山只好作冰山傍怕難做這冰

相

堂候低云

韋先生俺太尉爺小姐招人托先生

贊相誰敢不從

前腔他領鴛班勢壓朝廊招女婿要才郎威籠翡

翠勢鎖鴛鴦你把絲鞭領取美言加上

韋

也不須

領絲鞭作官媒只用朋情勸他便好回身合婚
姻簿上看停當但勸取由他想

金屋藏嬌錦綉叢 定須才子作乘龍

饒他別插鴛鴦翅 難出天羅地網中

第四十二齣 生上

小蓬萊憔悴尋常風月甚拘畱咫尺關山花無人
問酒無人勸醉也無人管南鄉子一去幾驚秋淚
老西風只暗流夢裡也知歸去好遲畱咫尺秦
簫不自由準上望京樓望得伊家見始休還怕

那人知道了悠悠自鎖重門一沒愁自家李十
郎從孟門關外還朝卽擬還家與小玉姐歡聚
不料太尉倚着威權館俺別宅不放閑遊知他
主甚意見早晚堂候官來探知分曉也

喜相逢 韋同堂候上 風流誰絆知他相府池蓮怕

無端引起綠窻紅怨 見介生 別館驚逢韋夏卿 韋

叅軍此日見交情 生 歸心紫塞三千里 韋 君虞

你薄倖青樓第一名 生 夏卿怎說俺青樓薄倖
也 韋 且住有堂候在此 堂候見介生 夏卿說俺

薄倖何事韋君虞今日全不想着賀新郎席上
情詞生怎生忘了

雁魚錦俺想風前月下人倚闌這些時秋色芙蓉
綻恨造次春殘香夢遠家在秦樓人上雕鞍韋有

書報平安否生俺寫雲屏好寄平安他也回文

淚錦斑韋今日早已雁來也生早難道俺獨館孤

眠慣雁兒呵恰正恁時尋伴好愁煩韋今日送個

伴來生驚問送誰爲伴

前腔韋朱顏有分孤單怎把雲雨騰那再勻香汗

生誰家有此韋太尉有一小姐央小弟爲媒你

可把東牀再坦做嬌賓貴婿也無輕慢生歎介罷

了這恩愛前慳後慳這姻緣左難右難我就裏

好胡顏韋低問你就此親受用也生低語夏卿李

君虞何處不討得受用豈須于此只此人兄弟

將相文武皆拜其下風既有此情不可驟然觸

忤承顧眷只說俺多愁緒成病看看堂候官看

俺出塞星霜鬢影殘盧小姐呵他正是畫梁曉日

朝雲盼肯向咱客舍秋風暮雨闌

前腔堂丘山他勢壓朝班只為怜才肯把仙郎盼

你怎推辭只怕就裡一段風波到為雲雨摧殘低

語云 叅軍爺豈不知太尉威福齊天你且從權

機變暫時應諾再取次支吾脫綻韋堂候此言有

理也你不是倦遊司馬朝參懶俺只怕丞相嗔

來炙手難

前腔生無端宦興歸期晚沒緣故掙着雙眼自投

羈絆悲介誤嬋娟幾年俺萬千相思重門阻人離

恨關堂候你為我多多拜上老太尉呵中情一點

愁無限全仗你這其間作方便看天上人間堂俺

小人自能回話叅軍不可罔辭 生 怎忘得他探

燈醉玉釵頭煖誓枕餘香袖口寒

前腔堂愁煩待把佳期緩也須咱言語轉旋韋此

事堂候回報不須小生再行 對堂候低介 天賜

好姻緣看仙郎有意和俺對腹難言生撥不斷的

紅絲怎纏這紅鸞且求他寬限堂辭介生 堂候且

住呵逢好事望周全夏卿兄俺在此花陰月色

難驅遣你去呵柳影風聲莫浪傳韋可知道請了

生故人相見話匆匆韋自有新人富貴叢堂有

緣千里能相會生無緣對面不相逢下韋吊場

嫦娥不見影沉沉儘把閑愁占伏吟画虎画皮

難画骨知人知面不知心俺夏卿怎生道這幾

句當初李十郎花燈之下看上鄭家小玉姐拾

釵定盟拈香發誓擬待雙眠雙起必須同死同

生一旦征驂三年斷雁現留西府還推無可奈

何聽說東床全不見有些決斷言來語去盡屬

模糊移高就低總成纏綫看來世間痴心女子

反面男兒也我且在此評跋他一番

金井梧桐才子忒多才才子多人愛插上了短金

釵又繆上個同心帶看他呵心兒裡則弄乖口兒

裡則道白李生一句分明罷了却又囑付我柳影

風聲莫浪傳呀這段風聲也不索燕猜鶯恠待

說與崔允明去小玉姐呵送紅顏這一段腌臢

害

半吞半吐話周章定是青樓薄倖郎

大鵬飛上梧桐樹自有傍人說短長

第四十三齣

盧太尉上

自前朝人這戲

望江南倚天家甲第擬雲臺有女如花新粉黛向
 朝班玉筍選多才紅葉上秋堦劍佩秋風擁漢官
 芙蓉吹綻錦雕闌生成女子為蛇虺配得才人
 似鳳鸞俺盧太尉富貴已足只少個佳婿已央
 野韋夏卿同堂候官去招轉李叅軍為婿衙門多
 遠還不見到來堂候上聽罷紫鸞人縹緲語傳
 青島事從容稟老爺小的與韋秀才同去招賢
 館說親李叅軍不敢推辭只說從容再論韋秀

才着小的稟復

剗鋏兒說他有恩山義海朝花在盟山誓海曾把

夜香排

盧笑介他知俺愛他麼

堂感得相公愛紅

蓮命垂

合佳期要諧合婚有待到裡團樂從頭插

戴

前腔

盧

少甚麼相門出相男文采他敢道俺將門

出將女麤材

堂他怎敢

盧怎不低眉拜辱沒他鏡

臺

合前

前腔

堂

驚風鳥去辭林快慢水魚終自上鈎來好

事須寬耐嗔他秀才

合前盧

俺看中了他少不得

在俺門下小姐將次上頭五色玉釵齊備方好

前腔那小姐呵如花早晚要頭花蓋上頭時幾對

鳳頭釵好玉多收買憑他價裁

合前堂

稟老爺有

個老玉工侯景先舖常有人將珠翠現成寄買

盧有精巧的着他進來

美玉釵頭珠翠濃

紅絲繫足好從容

羈縻鸞鳳青絲網

牢落鴛鴦碧玉籠

第四十四齣

上

薄倖虛閣籠烟小簾通月倚香篝清絕弄梅花寒

玉稱黃沙雁影寄來橫幅愁凝睇秦雲黯待成飛

絮誰說與玉肌生粟訴衷情捲簾呵手拂烟霜病

起怯殘粧一段梅花幽意雲和雪費商量催短

影念餘香病成傷寒鴉色斂凍雁聲悽一寸柔

木腸奴家府中一自李郎去後家事飄零望他回

來從新整理誰知他議婚盧府一去不還我展

轉尋思懷疑未信知他還歸京邸還在孟門已

曾博求師巫遍詢卜筮果有靈驗何惜布施一



原件短缺

P39 - P40

向賂遺親知使求消息尋求既切資用屢空前
着浣紗將篋中服玩之物向鮑四娘家寄賣還
未到來天呵苦自愁煩有何音耗 尼持籤筒上

水底魚一點凡胎到了九蓮臺相思打乖救苦的

那些來自家水月院中小尼姑便是久聞鄭小玉
姐爲夫遠離祈求施捨不免奉此靈籤哄他幾
貫鈔使又一道姑來也 道姑拿画軸小龜上

前腔冠兒正歪人道小仙才這龜兒俊哉前去打

光來 尼惱介光頭儘你打 道不是吾乃王母觀道

一封書曾經打聽來他離孟門好一回 浣可徑到

這裏來 崔他何曾經歸到盧家居外宅 浣驚介

回在太尉府了同在都城中怎不回步是誰見

來 崔是韋夏卿見來報道青娥有意相畱待則

怕鳥鵲傳言也浪猜 浣當真了 合怪從來心性乖

飽病難醫是這窮秀才 浣說與且驚介王哨兒傳

言尤恐未的聽崔君之談他真個有了人家也

崔夫人且休惱盧太尉高拱侯門十郎深居別

宅夏卿傳言仍恐未的爲感夫人看禮故此報

知更煩到盧府求一真信崔寒酸如何去得

且適纔浣紗賣典餘有青蚨三百少佐君酒日

後諸費更容賣釵相補崔惟伶十二金釵客剩

有三百青銅錢下且浣紗薄倖郎到了太尉府

容易打聽只是少貲財央及人也看救臺摘下

玉燕釵去賣百萬錢盡用為尋訪之費浣這是

聘釵如何頓賣且他既忘懷俺何用此

羅江怨提起玉花釵羞臨鏡臺內家好手費雕排

上頭時候送將來也落在天街那拾的人何在今

朝釵股開何年燕尾回鎮雙飛閃出這粧奩外

前腔知他受分該纖纖送來舊人頭上價難裁新

人手裡價難擡也落在誰邊他笑向齊眉戴將他

去下財將他去插釵知他後來人不似俺前人賣

浣俺去也且哭介

香柳娘看釵頭玉燕又嘴翅兒活在銜珠點翠堪

人愛雙飛玉鏡臺又當初為此諧一旦將他賣合

好擎奇此釵又裏定紅絲還把香奩試蓋浣俺去

也且俺再囑付你燕釵阿

前腔燕釵梁乍飛又舊人看待你休似古釵落井
差池壞倘那人到來又百萬與差排贖取你歸來

戴合前

尾聲少錢財使費恨多才玉釵無分有分戴荆釵
俺只怕沒頭興的東西遇不着個人兒買

從此賣花釵

蛛絲罨鏡臺

憑誰招薄倖

還與拾釵來

第四十五齣

浣紗捧盒盛釵上

縷縷金螺髻點画眉纖衣衫氣脂粉麝醋茶鹽玉

釵金盒子絨絲襯玷向誰家粧閣燕穿簾做不出

牙婆臉揼薪斜皓腕吹火弄朱唇可憐羅襪步更

作賣釵人且看前面來的像是玉工侯景先老

兒咱且在勝業坊裡隱着待他商量俺女丫頭

怎去賣釵也侯上

番卜算切玉小刀銛刻盡崑山琰年來袖手粲霜

髯眼看煩華厭眼復幾時暗耳從前月聾平章金

落索編檢玉玲瓏浣老侯那裡來侯小娘子有

幾分面善到忘了可是誰家浣我且把一件東

西來你認出釵介侯這是紫玉釵一雙俺曾那
裡見來細看介

太師引把水色規雙鈎兒啫玲瓏煞珠嵌翠粘呀

是俺老侯做就的曾記取玉鷄冠艷倍工夫碾

琢操箝浣老侯你那討這手段侯是老手擅場非

僭你看穿花鳥分明堪驗浣你做的釵可記得為

誰侯這到忘了敢問小娘子誰家出來的浣霍

天府出來的侯是了昔歲霍王小姐將欲上鬟令

我做此酬我萬錢可得忘懷長畱念春寒玉織

釵頭上那般喜慳紅暈翠眉尖浣着了俺小姐即

霍王女也侯此玉釵價值萬鎰怎生把出街來

浣要賣侯帝種王孫芳年艷質何至賣此浣家

事破散迥不同前了侯小玉姐敢配人了

前腔浣招的個秀才欣將風月占侯好了嫁得個

秀才浣誰知他形飄影潛侯呀丟他去了浣孤

另的青樓冷冷侯門戶大浣折倒盡朱戶炎炎侯

守麼浣他心字香誓盟無玷侯還奢華麼浣怎

奢華十分寒儉侯還待怎生浣還在賣珠典衣賂

遺于人使求音信貨粧欠珠釵賣添侯小姐訪

得倒那人持罷了若訪不得時可知道紅顏薄

命都則是病懨懨作泣介貴人男女失機落節一

至于此我殘年向盡見此盛衰不勝感傷也

鏵兒你王家貴嚴生長在花濃酒醖少甚朝雲

畫棟暮雨珠簾因何自掘斷烟花墜把長籌短簽

小娘子俺老侯看盡許多豪門似小玉姐這般

零落呵合窮不贍病怎兼提起賣釵情事淚痕

淹想的他啼紅萬點小娘子請行小老兒去哩浣

歎少不得女兒家沿街撞戶送此輕華之物也

前腔把金釵盒掩捧起意慵心歎怎走的街塵鬧

雜有甚觀瞻怯生生抱玉向重門險高低遠嫌住

介老侯賠你個小心也拜介非笑諂有事沾提

起賣釵情事淚痕淹好看承俺雙尖半點侯老人

家看你鞋尖兒中甚用浣脚小走不得也那

前腔侯看你眉低意甜會打價彈牙笑拈浣非拈

說小玉姐賣釵也辱沒了王家體面侯動說到

王家體面教俺好會沉潛背介到好一個丫頭小

尼子非拋閃知羞識廉也罷領了去把粧盒檢綉
線擣提起賣釵情事淚痕淹略効軀勞半點浣老

侯休賤了價也

前腔你看珠釵點染燕雙雙棲香鏡奩好飛入阿
嬌金屋頭上窺覘老侯便要交錢過手也怕煞干
風欠要青蚨白拈老侯着緊些離寶店向畫簷提
起賣釵情事淚痕淹望斷他愁眉一點俺去也賣

價回來相謝

侯

且住說與俺那薄倖是誰俺一

面賣釵一面尋訪可不兩便

浣

你這老兒俺教

你出個招子帖在長安街上某年某月某日有
霍王府小玉姐走出漢子一名李益派行十郎
隴西人也官拜參軍年可二十多歲頭戴烏紗
冠帽身穿紫羅袍腰繫鞞金寶帶脚踏倒提雲
一線粉朝靴身中材面團白微鬚有人收得者
謝銀一錢報信者銀二錢侯忒輕薄了浣俺浣
紗昔年跟人走失了一次也是這般招帖酬謝
也只是一錢二錢侯骨頭輕重不同浣儘這釵
兒贖了他罷憑在玉人雕說去但求金子倒廻

來下侯弔場獻玉要逢知玉主賣金須遇買金
 人小玉姐托身非人家門零落不惜分釵之費
 求金合璧之歡只是一件紫玉釵工費價須百
 萬急節難遇其人尋思起來誰家最好有了數
 日前盧太尉堂候哥來說盧小姐成婚要對紫
 玉釵舉頭一望朱門畫檠便是他府堂候哥有
 麼堂候上不畏金吾仗誰敲銅獸環原來是老
 侯紫玉釵有麼侯恰好一對小姐早則喜也堂
 誰家之物侯不好說堂來處不明別衙去侯實

不相瞞霍王府中之物堂是他家小姐出賣侯
 怪事怪事你怎得知堂老侯你一向夢裡他先
 招了俺府裡參軍李爺新近李爺招在俺府正
 是俺家太尉小姐新婚要紫玉釵用你今日來
 得正好得價也侯敢別是一人堂是隴西人叫
 做李十郎侯是了是了他家到處找尋怎知在
 這裡做女婿來你引我見那喬才一面堂府門
 深遠怎生見的他也發誓不歸了侯聽得他和
 前妻也發了誓堂你休要鬧管在此待俺取錢

還他侯一對釵兒百萬錢堂牙錢要分取十三

千侯歎介這般一個薄情人也唱個曲兒罵他

清江引籠花撒柳不透風兒颭知他火死要絕了

燄逐廟裡討靈籤卦上早陰人占李十郎李十郎

怕你一處無情處處情兒欠堂捧錢上這百萬釵

價這十萬牙錢快去太尉爺升帳了侯這也罷

了俺且閑問李叅軍怎生發付那前妻堂有甚

發付教他生寡不成

秦樓咫尺似天涯雙雙釵燕落誰家

寄語紅顏多薄命莫怨東風當自嗟

第四十六齣盧上

風馬兒兵符勢劔玉排衙春色照袍花千官日擁

旗門下當朝第一人家欲作江河惟畫地能迴日

月試排天人生得意雖如此却笑書生強項前

我盧太尉嫁女豈無他士只爲李叅軍作挺偏

要降伏其心早晚收買王釵與我女兒上頭之

用還未整齊堂候官好沒用也堂候上屏画彩

鸞金帖尾鏡描紅燕玉搔頭稟老爺買得侯景

先紫玉釵一對在此盧好精工也景先從何得

此堂說來可憐便是叅軍爺先位夫人霍王府

中之物家貧零落賣此為生盧作沉吟介俺正

思一計牢籠李君盧此事諧矣問堂候官霍家

有甚女流往來堂聽得王哨兒說有個鮑四娘

往來盧你可去請叅軍到此敘事中間教你妻

子扮作鮑四娘之姊鮑三娘來獻此釵說他前

妻有了別人將此棄賣待李郎見惱自然棄舊

從新你就請李叅軍去正是暗施刻燕釵頭計

明要乘龍錦腹猜堂候下生上

霜天曉角春明翠瓦戶戟門如畫徘徊青蓋拂烏

紗寶鐙雕牀下馬堂候通報見介盧客館提春典

生軍麾拜下風盧江山養豪傑生禮數困英雄

盧笑介好一個禮數困英雄且請坐談下官有

一小女及笄昨請韋先生為媒願配君子說有

前夫人在此乃不忘舊也不知當初何以招贅

王門生容訴來

東甌令人兒那花燈姹淡月梅橫釵玉挂拾釵相

見迴廊下一面許招嫁恩深發得誓盟大的的去
時話盧容易成婚不為美重也

前腔相逢乍忒沾惹燈影裡挑心非正大墜釵兒
納采真低亞就裡有些怕易相交必定意情雜容

易撇人下丑鮑三娘持釵盒上注嘴凸來紅一寸

粉腮凹去白三分假作鮑四娘姊妹都相像則

怕踹不的紅靴脚太尊見介太尉爺老婦人叩

頭盧你是誰家丑鮑家盧因何而來丑聞公相

家小姐要紫玉釵有見成的獻上盧正好取來

看堂候取釵上介盧同生細看介盧好精細小

燕穿花誰家的把紅絲繫了好一個細金絲盒

兒生作驚背云這釵似曾見來他說姓鮑敢認

得鮑四娘就問霍家消息回身問介賣釵的婆

子姓鮑敢有姊妹麼丑有七姊妹老婆子第三

生可有鮑四娘丑是俺妹子他詼諧會作媒老

婆子性直做些小交易生這釵何來丑是婆子

的生看你衣妝不似有此釵丑實不相瞞是妹

子鮑四娘央我賣的生何從得此丑賞元宵拾

來的生

獅子序來何處是誰家猛然間提起賞元宵歲華

嘆墜釵人遠還記些些甚來由向靈心兒撒打多

則是雲髻懶月梳斜鏡臺邊那年畱下丑李老爺

好俊俏眼哩生驚介終不然霍府來的看釵介

覷了他兩行飛燕一樣銜花悲介此釵緣何到此

太平歌別他三載長是泣年華眼見得去後人亡

將物化丑活生終不然舊家門戶恁消乏沿門

送上金釵價丑那裡討舊家門戶哩生終不然別

嫁了人那裡有彩鳳去隨鴉老鸛戲彈牙丑李

老爺這般傷感敢認的他家老婆子若說起一

發可憐這府裡有個郡主招了個丈夫一去不

來有個甚麼韋秀才報說他丈夫誰家招贅了

不信訪得明白整呪了一個月日又是我妹子

為媒招了個後生相伴因此賣了這釵生哭介

我的妻呵丑驚介原來就是叅軍爺夫人老婆

子萬死萬死生悶倒扶起介妻呵是俺負了你

實也蘇長真長野以姓王

賞宮花是真是假似釵頭玉筍芽便做道釵無價

做不得玉無瑕丑參軍爺夫人忘了你去哩生妻

呵你去即無妨誰伴咱他縱然忘俺依舊俺憐他

丑好個參軍爺念舊生再提釵看介

絳黃龍冤家真個無差好些時肉跳心驚這場塊

答妻呵常言道配了千個不如先個你聽後夫說

賣了釵有日想李十郎來要你悔也妻那人怎

麼記當年曾愛西家盧參軍婦人水性大丈夫何

愁無女子乎昨遣韋夏卿相勸今霍家既去此

天緣也生休啞俺見鞍思馬難道他是野草閑

花小玉姐痛殺我也氣咽喉噎恨不得把玉釵吞

下盧不消如此噎死了人身難得參軍不如且收

此釵百萬價府中自還生謝尉收釵介

大聖樂懷袖裡細捧輕拿似當初梅月下還記他

齊眉舉案斜飛插枕雲橫惜着香肩壓盧便倩鮑

三娘為媒將此玉釵行聘小女如何生早難道

釵分意絕由他罷少不得鈿合心堅要再見他盧

待咱敲斷了這釵生伊閒刮您玉釵敲斷鎮淚

珠盈把盧堂候送參軍館中去堂候送生介

哭相思生蚤則枉了咱五百年遇釵人也下盧吊

場叫堂候的妻子上來分付你不許漏洩事成

賞你丈夫一個中軍官丑叩頭謝介

秋風紅葉不成媒 分付春庭燕子知

好去將心托明月 管勾明月上花枝

第四十七齣且作病上

行香子去也春光月地花天相思影瘦的不成模

樣為伊蹤跡費盡思量浣歸來好空迷戀有何長

集句且蕙帳金爐冷篆烟寶釵分股合無緣菱

花塵滿慵將照多病多愁損少年浣紗紫玉釵

頭是咱心愛幾時賣去呵好悶也

玉山鶯玉釵拋樣上頭時縈紅膩香為冤家物在

人亡這幾日意迷神恍每早起呵窺妝索向還疑

在枕邊床上又似在妝奩響猛思量原來賣了空

自搵啼妝

前腔如今可賣了也賣釵停當喜孜孜誰家豔陽

那插釵人温存的依前還價遇着那一等呵笑

窮婦人無分承當擡高價作他喬樣俺霍小玉一

眼看上李十郎今日賣了釵也路傍誼講道當

初墜釵情況自把前程颺為誰行斷簪殘髻留伴

鏡中霜侯景先上杜鵑花暖碧桃稀兩處紅粧一

處悲個裡囊中忒羞澁他邊頭上有光輝自家

侯景先便是替霍家郡主賣釵得百萬錢在店

中半年多月沒人取去老子親送來內有人麼

浣老侯到了待咱通報見介且賣釵得價了

桂花鎖南枝侯咱登時發付珠釵兩股舊時價不

減些兒任姪女把金錢細數浣數錢介是百萬了

牙錢那家有旦問他賣在那家侯是當朝太尉

姓盧玉傳停上頭須此旦驚介浣紗問他到盧府

裡可打聽來侯且喜且喜有個李參軍你這裡

尋故夫他那邊衡新壻旦當真了侯府門外久躊

躇是他堂候官親說與旦泣介天下寧有是事乎

霍小玉釵頭到去盧家插戴也悶倒介侯玉剪

江魚尋老手釵分海燕泣春心下

小桃紅旦俺提起曉妝樓上玉纖閑他斜倚妝奩

盼也則道鏡臺中長則是兩相看閑吟嘆把玉釵
彈人去後香肩顰畫眉殘將他來斜撥爐香篆也
又誰知誓冷盟寒空擲斷釵頭玉雙飛燕不上俺
雲鬟浣這錢愛殺俺也且要錢何用

下山虎一條紅線幾個開元濟不得俺閑貧賤綴
不得俺永團圓他死圖個子母連環生買斷俺夫
妻分緣你沒耳的錢神聽俺言正道錢無眼我爲
他疊盡同心把淚滴穿覷不上青苔面撒錢介俺
把他亂洒東風一似榆莢錢浣怎生撒去可是撒

漫使錢哩

醉歸遲

且

那其間成宅眷俺不是見錢見熱賣團

長便誰承望這一對金釵胡串青樓信遠知他向
紅妝啼箋他雖然能掇綻慣賠錢你敢也承受俺
貫熟的文鴛又蘸上那現成釵燕想着那初相見
長安少年把俺似玉天仙花邊笑媽滿着他含笑
拾花鈿終不然那一霎兒燈前幾年到如今那買
釵人插妝鬟儼然俺賣釵人照容顏慘然知他是
別樣輝娟也則是前生分緣崔上旅舍貧儒閑踏

草高樓思婦怕看花這幾日不曾問霍府李郎

消息取幾貫錢使用裡面甚事悲誼徑入則個

見錢撒地作驚介浣紗姐俺書生終日奔波覓

錢如何亂撒滿地浣你不知要找訪李郎費費

乏絕將玉釵倒與玉工正賣向盧太尉府中果

然百萬錢買去盧小姐插戴與李郎成親了崔

真個了李君虞你可也有時遇着俺崔允明數

落你一番怕你不動頭也且果如所言崔君清

客浣紗將錢奉上薄為酒費容奴拜懇也拜介

憶多嬌借美言續斷緣斷續姻緣須問天崔滿眼

春愁花樹邊要得團圓又還似巧相逢那年

哭相思且俺心中人近人心遠說教他心放心邊

他錢堆裡過好日俺釵斷處惜華年崔辭介且加

婉轉促畱連看落花飛絮是俺命絲懸若得他心

香轉作迴心院抵多少買賦千金這酒十千真成

薄命久尋思夢見雖多覺後疑買斷人間不平

事金錢還自有圓時下崔吊場好花期客客不

至病鳥依人人自怜看來小玉姐為尋訪李郎

破散家貲百萬俺三年間受之惶愧要徑造李
郎他又被盧府拘制早朝晚歸不放叅謁怎生
是好想介有了崇敬寺今春牡丹盛開約韋夏
卿酒館商量去請李郎玩賞酒中交勸或肯乘
興而歸正是欲見夫妻一片心須聽朋友三分
話下

第四十八齣

老旦酒保上

遊人醉殺牡丹時立誓無餘挂酒旗一斗十千
教滿腹十分一盞卽開眉自家乃崇敬寺前大

街頭一個有名酒館小二哥便是恭喜今年牡
丹盛開約有半月日看花君子往來遊賞須索
在此守候凡有吃寡酒的吃案酒的賒酒去的
包酒來的咱都不誤主顧正是有物任教携酒
去無人不道看花來遠遠一個活神道來也豪
士輕紗巾黃衫挾弩彈騎馬跟從數人打獵上

鎖南枝風光粲雲影搖嬌帽輕衫碧玉繚花襯着
馬蹄驕俠骨天生傲自家埋名豪客是也春歸花
落草齊彈鳥一會呀前面是個大酒店胡雞叫

酒保可有淡黃清數十瓶待俺打鳥回來飲唱
也保知道了豪你把珍珠茜滴幾槽待俺打圍

歸醉花鳥去也下崔上

前腔春多少紅樹梢長安看花愁思敲一步步倚

斜橋詩打就殘紅稿酒保哥有麼保上崔你把冷

燒刀不用的熬水晶蔥鹽花兒搗俺有朋友韋夏

卿來此講話案酒排幾個來保請裡面坐崔自

飲介韋上

前腔青旗上酒字兒飄步轉東風尋故交原來崔

允明先在此見介崔笑介如此春光十分怎生

不醉也韋你窮暴的不麀糟忖沙恁還俏崔酒

保取酒來聽提壺喚春色澆免把俺老明經乾

渴倒韋允明兄敢待商量李君虞一事崔便是聞

得崇敬寺牡丹盛開小弟要將小玉姐所贈金

錢作酒邀請李君虞吟賞席上使幾句攢聒得

他慌不由不回頭也韋你不知盧太尉當朝權

勢出入有兵校挾着分付有說及霍府事者以

白挺推之且盧家刺客布滿長安好不精細哩

崔得人錢貫與人消算盡你我一點心也

前腔把他孤鸞賺去鳳招受了他殷勤難暗消俺

二人呵似接樹老花妖惜樹憐枝好韋只怕他

冷心情會作喬苦了俺熱肝腸替煩惱崔此事就

煩這酒家做酒三筵明後日崇敬寺牡丹花下

就煩他去盧府下請書催請李參軍赴宴保門

上難進怕他生疑韋俺有一計只做無相禪師

請他便了保知道了二位與俺再倒一壺豪上

前腔流鶯巧翡翠嬌彈珠兒打來雲漢高金鐙寶

鞭敲旗亭外把銀瓶弔呀兩個秀才在此忍耐不

住教他迴避便了那魯兩生可也不伏嘲困黃

梁是這邯鄲道作舉手介請了韋崔作辭避介高

樓後客催前客深院新人換舊人請了崇敬寺

相候也下豪笑目送二生云何處擺出兩個大

酸俌從這兩個秀才好生眼熟似三年前一個

借鞍馬的韋先兒一個求俊僮的崔先兒豪借

人馬何用從李十郎就親霍府借去風光也豪

問保兩個酸俌到此許久保好一會了豪觀殘

殺笑介 這盤中何所有 保是五香豆豉 豪那盤

中 保十樣錦豆腐 豪作笑介 這狗才幾縷兒豆

腐皮做出這十樣錦去哄弄那窮酸可怜人也

兩個消了你幾大瓶酒 保每人倒了一瓶 豪看

壺介 呀是夾鑷壺人不上五六小盃有甚商量

消停許久 保為那隴西李十郎贅了盧府小姐

棄了前妻那前妻害的懨懨病待不起兩人商

量俺家包了酒到崇敬寺請李十郎去賞牡丹

勸他回心轉意又怕盧府威勢不敢深說說起

那前妻好不恓惶人也 哭介豪 原來有此不平

之事酒保且將酒過來 酒到介豪 近間可有名

姬喚來 保對門有王大姐隔壁有劉八兒都好

豪 這怎生使得都是些菜瓜行院也

前腔 掀黃袖拂鬢毛看花的紅塵飛大道無過是

李和桃好共朱顏笑紅一點酒千瓢是雄豪喜長

嘯 保動問怎生喚做雄豪 豪 雄豪二字不是與你

們講的 保小人不認得雄豪認得個雌豪 豪 怎

喚雌豪 保這京兆府前有個鮑四娘揮金養客

韜玉抬身如常富貴不能得其歡心越樣風流

纔足回其美盼可不是雌豪也豪久聞其名可

請相見保兀的不是鮑四娘來也鮑上

前腔歛紅袖鞦韆翠翹聽子規窓前啼不了覷了那

病多嬌淚向王孫草保出接介鮑四娘小堂有客

相請鮑作打覷介覷他丰神俊結束標料多情

非惡少保識貨識貨豪作見介他便是鮑四娘名

不虛傳

前腔他是閨中俠錦陣豪聞名幾年還未老他略

約眼波瞧咱驀地臨風笑人如此興必高回身介

指銀瓶共傾倒揖鮑介久聞鮑四娘女中俠氣纔

一見也菩薩蠻赤闌橋盡香街直牡丹風外垂

楊碧鮑疊損縷金衣相逢憔悴時豪黃衫騎白

馬日日青樓下鮑金彈惜流鶯畱他歌一聲豪

笑介咱悶弓兒打不上老鶯也為咱歌來

綉帶兒鮑進酒介金盃小把偌大的閑愁向此消

多情長似無聊暗香飛何處青樓歌韻遠一聲蘇

小含笑倚風無力還自嬌好些時吹不去綵雲停

着

白練序

豪

妖嬈恁還好花到知名分外標恨不得
逐日買花簪帽暗香消年來覺咱四海無家有二
毛更着甚錦鞍呼妓金屋藏嬌

醉太平

鮑

休喬有如許風韶便敲殘玉鳳換典金
貂風雲事業忍負尊前談笑閑眺綠楊風老雉媒
嬌古道獵痕青燒一般兒草綠裙腰花紅綉口殘
春恁好

白練序

豪

虛囂那年少曾赴金釵會幾宵如天杳

江南一夢迢遙酒醒後思量着折莫搖斷了吟鞭

碧玉梢從誰道兀的是渭水西風殘照四娘踏草

何來鮑

看霍王府小玉姐病來

豪

因何病害

鮑

貪了才子李十郎因而招嫁十郎薄倖就親盧

太尉府中再不回步小玉姐病染傷春敢待不

起也豪

可也有了人麼

鮑

謹守誓言有死而已

豪世間怎有這不平之事家貲如何

醉太平

鮑

多嬌一種情苗貪看才子致令家計蕭
條把珠釵折賣訪問薄情音耗他病癆鎮薰香怕

裏鬢雲喬枕伏定把淚花彈却豪病可好鮑多應

不好豪那人可回鮑再休提薄倖咱為他煩惱豪

作惱介

絳黃龍心憔難聽他綠慘紅銷為他半倚雕闌恨

妬花風早四娘飲一大盃何如倩盈盈衫袖又洒

酒臨風決住這英雄淚落豪作醉鮑扶介豪還勞

你把玉山扶着恁多情似伊個中絕少胡雛取紅

綃十匹與四娘作為纏頭之費暮雲飄寸心何

處一曲醉紅綃

尾聲你凄凄切切愁色冷金蕉只俺臂鷹老手拈

不出鳳絃膠舉手介四娘一笑相逢咱兩人心上

曉鮑下豪弔場冷眼便為無用物熱心常為不平

人花前側看千金笑醉後平消萬古嗔俺看李

十郎這負心人為盧府所劫使前妻小玉一寒

至此此乃人間第一不平事也俺不拔刀相救

枉為一世英雄叫蒼頭你將金錢半萬送與霍

府叫他明後日作大酒筵他問設酒因何你只

說到時自有分曉雜稟主翁畢竟為何豪不須

開問明後日人馬整齊粧束跟俺崇敬寺賞牡丹花去正是立拔寶刀成義士坐敲金盞勸佳人並下

第四十九齣 旦病浣扶上

一江風睡紅姿夢去了多迴次為思夫愁病死侍兒扶花裊風絲把不住香魂似 內作鸚鵡叫介姐

姐可伶 浣 好個鸚哥兒叫道姐姐姐姐可伶也 旦 鸚

鵡會心慈 又 狂夫不轉思悶悠悠記不起花前事

集句 花恨紅腮柳恨眉形同春後牡丹枝綠窻

孤寢難成寐說與傍人未必知浣紗俺自聞李

郎盧氏之事懷憂抱恨周歲有餘羸臥空閨遂

成沉疾如何是好 浣 郡主你日夜悲啼都忘寢

食期一相見竟無因由冤憤益深委頓牀枕依

浣紗愚見想李郎素心當初懇切盟言未必拋

殘至此倘期後會且自寬懷

集賢賓 旦 道相看三十言在耳做夫妻到此無詞

別後無書知不美沒來由折了身奇陪了家計博

得那一聲將息堪憔悴不傷心也是舊時相識 作

嘔介

前腔

浣

你愛寒酸嘔出些黃淡水唾花中怕見紅

絲你瘦盡了腰肢愁不起女兒家折盡便宜更賠

閑氣偏會假尋尋覓覓如何的且恁消除把翠紅

排比

浣

郡主將管絃消遣一會也旦與我拿過一

邊去

前腔無情無緒搗甚的任朱絃網遍塵絲妬女爭

夫因甚起偏兒家沒個男兒不成夫婿不死時偌

長的日子傷心事花燈下一時難悔

前腔

浣

你可也自把千金軀愛惜少年人生寡難

為你蘸任紅顏圖後會也須是進些茶食穩些眠

睡好在翠圍香被儻然是夢中來故人千里旦也

說得是待我睡些時

浣

待我收拾茶飯來

下鮑

上才郎薄倖愁回首美女傷春病捧心咱鮑四

娘貧忙數日不知小玉姐病體如何呀原來孤

眠在此浣紗何處也

旦驚醒介

四娘來幾時也

黃鶯兒正好夢來時戶通籠一覺回

鮑

可夢到好

處旦

陽臺暮雨愁難做

鮑

李郎可來夢中

旦咱

思量夢伊他精神傍誰四娘咱夢來見一人似劍俠非常遇着黃衣分明遞與一輛小鞋兒鮑鞋者

諧也李郎必重諧連理

前腔此夢不須疑是黃神喜可知一尖生色鞋兒記費金貲訪遺卜金錢禱祈惹下這劍天仙托上金蓮配賀郎回同諧並履行住似錦鴛齊未豪奴

持錢上世上無名客天下有心人拔劍誰無義

揮金却有仁俺主翁乃是埋名豪客分付將錢十萬送霍府廣張酒筵知他主甚意見已到他

門首內有人麼浣上是誰未俺家主翁要借尊

府會客送錢十萬求做酒筵且差矣這不是包

酒人家何得如此未敢借花竹亭臺一座且鮑

四娘你說俺家近日不同了昔日梁園多種竹

歲久無人森似束舞榭傾欹樹少紅歌臺黯淡

苔攢綠塵埋粉壁舊花鈿鳥啄風箏碎珠玉至

今簾影反挂珊瑚鈎指似傍人堪痛哭咱家做

不得也未到頭自有分曉知音那用推辭下浣

這廝是何主意也意只無名姓天生至

簇御林

旦

非親故甚意見無名錢天上至

說

似金

錢夜落花容易恁青衣童子來傳示

合

轉堪疑舊

家零落何客賜光輝

前腔

鮑

咱來圓夢覺有奇送金錢甚所爲

旦

怕又

是買釵的妬女來調戲可便似文君新寡惹這閑

車騎

合

事難知不速之客或是好因依

鮑

浣紗且

扶小姐裏面睡咱去也

尾聲

旦

四娘你看咱病身軀送不的你薄倖呵共

長安又不隔千山萬水甚意見教人不恨個死

心病除非心藥醫

綉鞋猶有夢來時

何人詔此金錢會

喜鵲烏鴉總未知

第五十齣

生上

金瓏璫鶯語記丁寧訴春心空回雁影人去眼未

分明錢落手還僥倖正覩物懷人對景到此若爲

情鷓鴣天薄命情知怨負深個中消息費沈吟能

存鏡裏纖纖玉那得釵頭艷艷金思往昔辨來

今上頭時候鏡初臨分明認得還疑錯袖向青

衫淚滿衿咱李十郎爲因盧家勢壓霍府情疎

不知小玉姐存亡忽見賣釵情事使人氣傷咽

倒今日閑坐無聊秋鴻開箱取那燕釵端詳一

回也鴻持釵上衣箱正合金魚袋鈿合斜分玉

燕釵稟老爺釵在此

江頭金桂

生

提起燕釵相並向紫玉啼痕柱欲冰

更碧蔥纖指紅絲纏定怕分飛要孤另早知他要

孤另怎教前生相承相應偏他兩條紅潤一片清

冷雙清妙手制作精向晚妝時候

又

朝雲初映画

眉輕看他立定釵猶顛妝成鏡越清

鴻

釵有甚好

處這般着承他

前腔

生

這釵好助情添興壓半朵棠梨風裊擎係

玉牌花勝翠點絲縈步玲瓏插端正俺和他日暖

吹笙人間對鏡和他看花笑笑踏草停停柔情一

種畫不成向晚妝時候

又

暮雲低映鳳燈凝笑摘

下釵頭燕待嬌回枕上鶯

鴻

不想下得賣了這釵

前腔

生

難道紅顏薄命你正好樓心看月明爲問

玉人何處雲鬟偷並好姻緣看忒輕虧你別弄簫

聲再填河影是誰做了領頭鳳史接脚的牛星你
全然忘却那會情想他賣釵時候又翠殘香賸恁
胡行雖然背後成千里也在你跟前往一程鴻爺
看甚釵就了盧府親罷

前腔生難道俺多才薄倖俺這裡無情還有情料
他兩層招嫁一時乘興冷思量閑記省他所事精
靈自心盟證怎肯因而奚落遂爾飄零想來莫是
他魂夢境記墜釵時候又十分僥倖美前程縱然
他水性言難定俺則怕風聞事欠明鴻這事不的

猶可當真時節連俺那浣紗也跟了人法也

大迓鼓

生

他千金肯自輕玉樓無恙伴侶飛瓊若

不是誥命夫人正怎惜得添香侍女清

合

持取釵

頭再作證盟秋鴻想家門寒落難堪也

人白珠

前腔便桑田似海傾要嫦娥斟酌耐冷娉婷妻你

敢疑我招了盧府也你那知俺客舍閑風景常

怕幽閨欠老成

合前老酒保送請書上

來邀帥

府風流客去看空門富貴花小子是酒肆人家

明日爲崔韋二秀才置酒崇敬寺請李叅軍爺

賞牡丹來下請書怕他門下有人提防只說老

和尚請他便了把門軍校上哇誰人行走保崇

敬寺無相長老請參軍爺隨喜片時校敢邀那

裡去保老禪師有何處去校通報介生取書看

前介知道了禪師與我有舊明日就來校太尉爺

願分付參軍爺所在行動着軍校十數人白挺護

不從生這也使得校

大聖侯門春色苦相禁校誓話塵緣一散心

從此山頭似人石校丈夫形狀淚痕深

第五十一齣

外老僧上

窄地錦繡色到空門也著花佛桑春老散香霞買

栽池館意無涯看到子孫能幾家自家乃是崇敬

寺中一個無相法師便是坐禪出定偶見牡丹

盛開必有冠蓋遊賞不免叫弟子們出來支對

弟子何在未丑弟子上

前腔僧家亦有芳春與鼻觀偷香色塵映試看清

池與明鏡何曾不受花枝影師父問訊了師父牡

丹折一枝膽瓶中供佛也好外那枝色相兒好

丑大紅桃紅粉紅紫紅百十餘種老師父要插

時第一是醉楊妃肉西施花頭兒好外胡說未

前白淨的是觀音面佛頭青可好外使得名花盛

發俗眼爭看你兩人在此支持咱去入定也正

是生香世界錦爛斑天雨曼陀照玉槃一朵官

黃微拂掠鞋紅髻紫不須看下丑兄弟冠蓋來

拜賞牡丹有費迎待你看那崔韋二秀才張筵設

翠席請盧府李參軍去了俺們不如鎖上禪堂別

處隨喜正是酒駐賞心客花催行脚僧下韋崔

西地錦引

崔艷萼奇葩翠捧剪裁費盡春工韋徑

尺平頭幾重深影一片雲紅

崔夏卿兄這寺中酒

筵已設李郎早晚到來好盛的牡丹也

高陽臺引

兵校數人持白棍擁生上芳月融晴禁

烟熏煖金界瑞光巉巖靄霏霏未怕宿醒寒中

綺門御陌啼鶯午恰來舊約賓從望花宮翠霧連

帷彩霞飛棟

見介韋崔笑介君虞久別也一春幾

許閑空恁錦城香國蜂浮蝶冗羅綺笙歌春光無

奈嬌縱

生宮袍荏苒花間意倩東風盡日傳送韋

倚新妝沉香亭畔那年供奉衆揖介崔燕

歸巢後即離羣韋吟倚東風怯晚春生獨坐侯

家正惆悵合牡丹時候一逢君崔十郎自別秦

蘇川數年不見好忘舊也韋今日請十郎花前玩

賞是話休提且看酒來校韋相公怎生替了和

高尚作東韋你不知這和尚喚作見花羞酒保上

佛座竟聞香世界豪遊須結醉因緣稟相公酒

只到了韋崔送酒介

高陽臺韋翠蓋籠嬌青猊裊韻綴壓枝頭春重綉

穀晴雷飛斷六街塵鞦韆閑倚粧深色如有意怕

春去未禁攔縱齊解遲千層一捻殿住春紅勒迸

前腔生誰種鶴頂移鞦韆心倒暈旋瓣重瓢爭聳

渲紫生緋袍帶壽安圍擁晴弄絳羅高捲春正永

渾自倚玉樓香夢須護取錦帳流蘇映日飄搖蟬

竦生前腔崔珍重駝褐霏烟鵝黃漾日都不似翠苞凝

鳳暮雨朝雲紅香醉來幾甕閑詠司花疑與根別

染依約傍九霞仙洞誰分許精神萬點長則是花

王出眾生大雲山威端合情赫赫萬機莫

前腔清供赤玉盤欹錦綵毬簇百寶雕闌低控絕

艷濃胭蠹蠹彩雲飛滃還用嫣然宜笑花片裡指

痕上粉香彈動趁靈心袖籠輕翦翦下斷紅偷送

前腔韋吟弄向孔雀圖中流鶯隊裡多麗恣妖迎

寵近紅藥天堦衣香夜染扶從正恐謔花士女閒

贈取還應羨洛陽舊種春老也怎得名花傾國一

尊長共崔君虞胭紅粉紫誰不玩賞只那幽廊絕

壁之亦有白牡丹一株素色清香無人耿採好

一可伶也

前腔心痛素色鸞嬌青心鳳尾別自玲瓏一種悵

瑤臺月下初歸東風倚闌誰共韋相諷他閒庭一

枝橫似水便雲想衣裳何用合李郎他無限恨斷

魂欲語兀自幽香遙送韋君虞今日玩賞就將牡

丹聯成一絕如何生正好崔君虞請先生長安

年少惜春殘崔爭認慈恩紫牡丹韋待小弟湊

成別有玉盤承露冷無人起就月中看生作嘆

息介崔君虞為甚沈吟再向迴廊外散心也行

介豪士黃衫帶剪髮胡奴捧劍上豪笑介好不
盛的牡丹也羯鼓催敲一捻痕艷高堪領百花
尊紅羅一尺春風髻翠袖三生日暮魂自家埋
名豪客便是聽得負心漢李參軍在此賞花沒
些時酒闌何處也

新水令俺則爲這牡丹風吹起鬢邊絲抵多少會
賓堂酒牌金字須不是宴慈恩塔上題又不是和
靈隱月中詞兩三個細酸俵在茲消受些喫一看
二拿三說四猛想起來咱要誅了這無義漢何難

只是惜樹怕拿修月斧愛花須築避風臺且跟
那些聽說甚來

南步步嬌崔提起可憐人是鄭家子生低問近日

如何韋他鎮日裡啼紅漬流光去幾時子母孤

貧靠你成何事生嘆介道他有個人了崔他甘心

爲你守相思怎生棄置他在空房死校上崔先見

你說甚麼相思死你管閑事一個黃衫人來也

折桂令豪暗端相典雅風姿恠不的有了舊人奏

上新知漢相如似此情詞怎尋覓卓文君瑕疵早

則是有情人教他悶死惜花人心事憐慈聽他列
頸交切切惻惻惹的俺斷腸人急急孜孜再聽他

一會也

江兒水

生

接葉心如刺看花淚欲滋

韋

風光甚麗

多情死

生泣介

二君定不知我因盧太尉恩禮宛

轉支吾那曾就親盧府誓盟香那得無終始傍

權門取次看行止

崔

君虞乘興一見鄭君何如

生

嘆介怎敢造次便去也

韋

那人早晚待君永訣

足下終能棄置實是忍人

韋崔合

好為思之

夫不宜如此

校上

韋先兒管閑事黃衫人又來也

豪士上俺聽說了多時也列公請了公非李十

郎者乎某族本山東姻連外戚雖乏文藻心嘗

樂賢仰公聲華常思觀止今日幸會得親清揚

某之敝居去此不遠亦有聲樂足以娛情妖姬

八九人駿馬十數匹惟公所要但願一過

韋崔

有這繁華所在且往領盛意美酒笙歌放懷為

妙豪在下有馬數匹揀一匹駿氣的背上李郎

二君緩來崔請了且逐金丸去高嘶寶馬來
下豪胡奴快取兩匹追風駿馬來胡奴二人做

馬嘶上

雁兒落豪有幾匹駿雕鞍是俺家雪花獅有幾個

俊蒼頭是俺家花鳥使馬呵消得你一鞭兒奴呵

做得你三分事馬呵三花乍剪絡青絲奴呵雙眉

如畫粉紅姿咱呵甚意見把良馬思君子將紅粉

贈男兒家賞咱那裡金谷園難似此你辭也麼辭

看咱點鞭頭雲外指校惱介又一個管閑事的人

也你不聽得俺盧府威風麼參軍爺待做俺府

裡東床引他那裡去看我手中白棍兒麼

僥僥令摩娑起手底棍兒打這厮棍兒上有盧字

豪笑介有字怎的校明寫着你肉眼迷厮逞撈查

強死參軍呵他坦腹乘龍衣金紫好不受用也你

有銅斗兒家費你自家使

收江南豪呀禁持的李學士沒參差盧太尉甚娘

兒比似俺將你老東床去了也那厮和你家小姐

對情詞做拔劍介看劍兒雄雌不甫你一個來一

個兒死

校收棍做怕介和你耍哩提刀怎的難道

只殺人不償命看你家金谷園去管俺們一個醉

豪叫胡奴挾李十郎上馬並馬行介生前路相

似勝業坊又行問介前面望見曲頭又行介將

次是霍王府哩豪問他怎麼生私云怎認得這

所在也

園林好似曾相識這花驄和小廝奴叅軍爺好眼

哩生轉前坊舊家兒在茲承相招可有別路到

潭府豪徑須從此生迤邐驀然來至過他們甚

意見又豪這不妨坊門多有似也

沽美酒穩着你個鎖鞍鞵花外嘶又夾着你黑崑

崙海山使這些時那一個不醉染紅香弄晚颺是

誰家美人獨自是誰家門巷偏似我呵心知肚知

萍水契相知幾時烟花擔嗟咨怎辭呀比似你逞

精神長則在醉紅鄉逗人閑事生天晚小生薄有

事故改日奉拜作鞭馬欲回豪控生袖介敝居

咫尺忍相棄乎

尾聲問你個賞花人有甚麼窮薄事則待拘雙飛

撇馬多回次可也要會人情把似你秀才家性兒

使下

第五十二齣

流上

怨東風去去春難問翠屏人不穩添香侍女費精
神悶悶悶卜筮無憑仙方少驗求神未準自家浣
紗便是奉侍郡主恹恹一病經年又逢春盡多
少遊春士女日永風暄只俺家守着病多嬌長
似淒風短日料應不久扶他出來消遣一回浣
請介且扶病上

前腔鬼病恹恹損落花風片緊多應無分意中人
恨恨恨夢淺難飛魂搖欲墜人扶越困浣紗俺病
症多應不好也扶我起來怎的浣幾年春色凋
零今歲名花盛發郡主你消遣些兒旦浣紗你
看孤禽側畔千鶯曉病樹前頭萬木春教咱怎
生消遣也

山坡羊冷清清遭值這般星運鬧氳氳攪人的方
寸虛飄飄耽捱了已身軟哈哈沒個他丰韻浣紗
呵病的昏問你個春幾分睡也睡也睡不穩過眼

紫雲詞
花殘斷頭香盡傷神病在心頭一個人消魂人似
風中一片雲

前腔

浣

他瘦厓厓香肌消盡昧蚩蚩眼波層困怯

設設聲息兒一絲惡丕丕嘔不出心頭悶他脫了
神當時画的人猛然間想起今難認一會兒精靈
一會兒昏暈花神多則是殘紅送了春東君你早
辦名香爲反魂

旦作昏介鮑上

玩仙燈淑女病留連憔悴煞落花庭院俺鮑四娘

數日未知小玉姐病體若何呀原來又睡在此

老夫人何在

老旦上

若無少女憑花老爲有婦

娥怕月沉四娘看俺孩兒病體若何

旦醒介

俺

娘不好了也四娘幾時到來

山桃紅彩雲輕散好夢難圓是前生姻緣欠又擽
了今生命填魂縹緲風裡殘霞你把俺火燒埋向
星前暮烟多管香早寒玉早塵除却寸靈心還活
現也待他淚滴成灰還和他夢裡言

合衆哭介

忍

淚洒落花片惺惺可憐等不的薄倖人兒和你做
個長別筵

老

還有甚話也兒

旦

娘叫俺道個甚來

特爲俺把多才拜上

前腔教他看俺萱堂一面半子前緣叫浣紗若秋

鴻回來你夫妻好生看覷奶奶待拜你呵作跌

介你當了嫡親眷替俺看他老年鮑四娘早晚

也來看覷奶奶當初是你作媒以後見那薄倖

呵教他好生兒看待新人休爲俺把懽情慘然

倘然他念舊情過墓邊把碗涼漿灑也便死了呵

也做個蝴蝶單飛向紙錢合前衆背介老李郎不

到怎生區處鮑覷他形骸死瘦眉氣生黃敢待

變症也浣則魯昏上來哩摩介老李郎好薄倖

也鮑小玉姐好薄命也旦醒介咳娘你孩兒好

些了李十郎到來哩老那討這話來也見旦咱

待起來娘替咱梳洗哩老兒久病之人心神惑

亂且自安息旦娘不信呵四娘扶咱

尾聲一邊梳洗不妨眠聽呵那馬蹄聲則俺心坎

兒上打盤旋浣紗敢踏着門那人來不遠並下豪

與生並馬羞不肯行豪家奴數人擁扯生馬上

不是路豪路轉橋灣勝業坊西迤逗間花如霞似

武陵溪上舊桃丹暮光闌你怎生乘興人空返陡
住你花驄去住難生掩面介羞殺俺也含羞眼舊

家門戶誰曾盼怕人偷喚又

前腔豪玉碎香慳爲你怒冲冠把劔彈朱門限幾

年山上更安山秀才不是請你到俺家去是請你

到你家去好傷殘你騎着俺將軍戰馬平心看

抵多少野草閑花滿目斑生則怕盧太尉害了人

也豪怎生這般畏之如虎生足下不知小生當

初玉門關外參軍受了劉節鎮之恩題詩感遇

有不上望京樓之句因此盧太尉常以此語相

挾說要奏過當今罪以怨望所畏一也又他分

付但回顧霍家先將小玉姐了當無益有損所

畏二也白挺手日夜跟隨厮禁反傷朋友所畏

三也因此沉吟去就不然小生豈是十分薄倖

之人今日相見怎生嘴臉也豪結髮夫妻賠個

小心便了盧太尉俺自有計處不索驚心無危

難把雕鞍勒住胡奴喚亂敲門辦又奴扣門介

前腔老流同上燕子凋殘王謝堂中去不還誰清

盼聽重門閉了響銅環奴舊門闌多應是昨夜燈

花繁好事臨門你可也不等閑老浣人喧亂多應

客赴金錢宴啓門偷看又豪衆作擁生馬進門豪

指生問老云認得此人否老驚哭介薄情郎何

處來也豪且下了馬請小玉姐來對付他老小

女沉綿日久轉側須人不能自起且作在內介

娘你孩兒起的來也鮑扶旦上

哭相思待飛殘一枕香魂誰向窓前喚轉見介豪

鮑四娘在此小玉姐可認得這秀才生見哭介

我的妻病得這等了且斜視掩面長嘆介豪真

個可伶人也

不是路看他病倚危闌似欲墜風花幾陣寒斜凝

盼眼皮兒也應不似舊時單小玉姐俺將薄倖郎

交付與你病到這般呵命多難李郎我聞東方

朔先生云惟酒可以消憂咱已送金錢辦酒酒

呵能消鬱塊忘憂散只一味指生介當歸勾七

還俺去也生感足下高義杯酒爲謝何去之速也

豪某非爲酒而來生願畱姓名書之不朽豪笑

介休也英雄眼偶然蘸上你紅絲綻為誰羈絆
為誰羈絆 豪舉手介 請了 衆 花邊馬嚼金環去報

上人回玉筋看 下生 豪士之言有理將酒來為

小玉姐把一杯 送酒與旦旦作嘆介 我為女子

薄命如斯君是丈夫負心若此韶顏穉齒飲恨

而終慈母在堂不能供養綺羅絃管從此永休

徵痛黃泉皆君所致李君李君今當永訣矣 作

左手握生臂擲盃于地長歎數聲倒地悶絕介

老做扶旦倒于生懷哭介 憑 十郎喚醒也

二郎神 生 年光去辜負了如花似玉妻嘆一線功

名成甚的生生的無情似剪有命如絲妻呵別的

來形模都不似你 作扶旦不起介 怎擡的起這一

座望夫山石 合 尋思起你恁般捨得死別生離

前腔 旦作醒介 昏迷知他何處醉裡夢裡纔博的

眼郎君一口氣俺娘呵怕香魂無着甚東風把柳

絮扶飛 生 是我扶你 旦 扶我則甚那生不面死時

偏背了你活現的陰司訴你 合前旦 唱別陽關時

節多少話來都不提了

轉林鶯

生

陽關去後難提起畫屏無限相思轉孟

門太尉參軍事動勞你剪燭裁詩

旦

詩可到底

生

到來那裡有斷雲重係都則是風聞不實

旦

是

韋夏卿為媒崔允明報信還是風聞

合

等虛脾

只看俺啼紅染遍羅衣

前腔

旦

盧家少婦直恁美教人守到何時他得了

一日是一日我過了一歲無了一歲要你兩頭迴

避不如死一頭伶俐

生

死則同穴

旦

誰信你

合前

且賣釵你可知俺家貧了看釵子不上

生

說那

裡話

啄木鸚釵兒燕不住你頭上棲那釵脚兒在俺心

頭刺

旦

新人插釵可好

生

誰曾送玉鏡粧臺從那

裡照斜插雙飛

旦

釵呵可知新人惱了賞那釵頭

去了甚麼話那賣釵人還說的你好哩說伊

家忘舊把釵兒棄咱堅心不信俏地籠將去

旦

籠

去怎麼

合生

翠巍巍許多珍重記取上頭時你

病勢定了些待咱尋個人兒

作尋介旦

尋個甚

的鮑三娘賣釵說你又有了了一個後生

旦

惱

介好不羞那裡有鮑三娘是玉工侯景先哩甚
麼後生都是你先坐下俺一個罪名兒

前腔你爲男子不敬妻轉關兒使見識到底你看

成甚的生怎又討氣旦不如死他甚的淘閑氣既

說我忘舊取釵還我生要還不難旦是了還了

咱家討個明白去他粧奩厭的餘香膩待拋還

別上個新興髻你還咱也好合前老也罷此事問

秋鴻鴻上盧府親事真個不曾成

啼鶯兒那太尉呵籠鶯打翠真是奇家主爺呵背

東風不願于飛浣爺不願怎生不回鴻俺爺呵雖

有嫌雲妬雨心期他可有立海飛山權勢正怕觸

了那些併累咱府要圖美滿春光保全因此上

受羈棲把風波權避合聽因依玉花釵燕他長在

袖中攜鮑叅軍爺也不念咱舊媒人了鴻你家做

媒又做牙賣釵人便是你家姐姐鮑俺家有許

多姐姐鴻都是太尉倒鬼

前腔老他大風要吹倒桐樹枝喜到頭依舊連理

鮑想起黃衫豪客也女伴們袖手傍觀英雄拔

刀相濟郡主呵顯靈心黃衫夢奇果應口同諧卧
起合前旦也罷釵可帶來生做袖中出釵介旦真

個在你袖中也 拈釵喜介

玉鶯兒玉釵紅膩尚依然紅絲繫持磊心情幾粟
明珠點顏色片茸香翠側鬟兒似飛懶粧時似顏
病懨懨怎挿向菱花對合事真奇相看領取還似
墜釵時老浣紗取鏡奩脂粉從新挿戴生作扶旦

笑介看你羸質嬌姿如不勝致更覺可人也旦
作挿釵顛介浣沙溪生正是淺画香膏拂紫綿

老牡丹花瘦翠雲偏鮑手扶釵顛並郎肩旦李
郎俺病起心情終是怯困來模樣不禁怜合今
生重似再生緣

前腔生燕釵重會與舊人從新有輝影差池未漬
香泥翅培璉尚縈纖蕊壓雲梳半犀嫋風鬟半絲
恨呢喃訴不出從頭事合前老俺一家兒感的是

豪客旦似那年元夜會他來

尾聲李郎夢還真敢是那黃衫子病玉腰肢你着
意假十郎不要又去也再替俺燒一炷誓盟香寫

向烏絲闌湊尾

薄命迴生得俊雄

感恩積恨兩無窮

今宵剩把銀缸照

猶恐相逢是夢中

第五十三齣

崔韋上

憶多嬌花事催酒力微歌吹風光在水西他昨夜
燈花今夜喜向朱門報知又褒封節義吾皇旨天

下多有不平事世上難遇有心人俺們生受小
玉姐許多錢鈔到惹起黃衫豪客來與這段烟
花結了公案真乃是千家吃酒一家還錢事不

偶然也

韋

只一件十郎既就了霍府那盧太尉

怎肯干休他輕輕地下手都成齏粉却如之奈

何崔

你不知道那黃衫豪士雖係隱姓埋名他

力量又能暗通宮掖他近日探得主上因盧府

專權心上也忌他了有人在主上前行了一

譖聖上益發忿怒如今盧府着忙不暇理論到

此事那黃衫豪士隨有人竄掇言官將小玉姐

這段節義上了又見得盧府強婚之情蒙主上

褒嘉遣劉節鎮來處分怕甚麼事韋原來如此

妙哉快哉我們先去報喜賀喜

長命女前

老生旦上

春風轉新婚久別重相見

見

介便是崔韋二兄依然舊客來庭院

崔作笑云

小玉姐不空費了你金錢也劉節鎮奉詔處分

來此快備香案迎接

劉節鎮奉詔書上

加冠進

職君臣禮合鏡還珠夫婦恩聖旨已到跪聽宣
讀皇帝詔曰朕惟伉儷之義末世所輕任俠之
風昔賢所重每觀圖史在意斯人若爾叅軍李
益冠世文才驚人武略不婚權艷甚曉夫綱可

封賢集殿學士鸞臺侍郎霍小玉怜才誓死有

望夫石不語之心破產回生有懷清臺衛足之

智可封太原郡夫人鄭氏相夫翦桐葉而王擇

壻顯桃夭之女慈而能訓老益幽貞可進封榮

陽郡太夫人盧太尉徒以勢壓郎才強其奠雁

幾乎威逼人命碎此團鸞宜削太尉之銜以申

少婦之氣其黃衣豪客拔釵幽淑女有助綱常

提劍不平人無傷律令可遙封無名郡公嗚呼

凡贊相于王風皆揚名于白日受茲勅命欽哉

謝恩 生衆作謝恩介劉君虞別來久矣紫玉釵

一事細說一番

摧拍 生 是當年天街上元絳籠紗燈前一面兩下

留連兩下留連幸好淡月梅花拾取釵鈿將去納

采牽紅成就良緣 合 今日紫誥皇宣夫和婦永團

圓

前腔 旦 梳妝罷春遊翠園人別去觀花上苑他衣

錦言旋他衣錦言旋怎知他簫歇秦樓唱斷陽關

別去鸞儔曾歸到鴛斑 合前

前腔 老 只道你幽懽別憐幾年間未蒙清盼看看

的門戶凋殘看看的門戶凋殘爲尋訪多情費盡

金錢賣到珠釵苦恨難言 合前

前腔 鮑 真乃是前生分定重遇着玉釵雙燕因此

上再整雲鬟因此上再整雲鬟也當個再接瓊簪

更續危絃異國香燒倩女魂還 合前 韋 此豪客之

功也

前腔 崔 閒說起有個英雄恨然路相看不平拔劍

把雌雄重會龍泉把雌雄重會龍泉不教你斷

了香魂枕畔燈前負了盟言月下花前合前

一撮棹衆離和合歎此情須問天是多才非薄倖

枉埋冤須記取花燈後牡丹前釵頭燕鞋兒夢酒

家錢堪留戀情世界業姻緣儘人間諸眷屬看到

兩團圓

尾聲一般才子會詩篇難遇的是知音宅眷也只

為豪士埋名萬古傳

紫玉釵頭恨不磨黃衣俠客奈情何

恨流歲歲年年在情債朝朝暮暮多

炊徹黃梁非北里斟翻綠蟻是南柯

花封桂瘴知何意贏得敲尊一笑歌

香魂散

香魂散

香魂散

香魂散

香魂散

香魂散

香魂散

芬桂林

芬桂林

嘉祥

嘉祥



